

四庫全書

子部

欽定四庫全書

子部

職官分紀卷二

詳校官中書

臣沈鳳輝

侍讀臣孫球覆勘

總校官編修

臣王燕緒

校對官庶吉士

臣汪祖

騰錄監生

臣鄭嶠

御製題職官分紀

立政惟人義豈磨股肱喜起勅幾歌古今制異難沿襲
襄贊職同在協和經史厯編無不備縹緗獨弃有堪多

是書為宋孫逢吉撰本楊侃職林而推廣之凡官職之
古今異制不相沿襲者俱分目編次不強為附合體例

竅稱精審微引
史傳亦極詳博雙松書屋東臯隱此皆蔣曾蒞家藏書
處既以隱居為志即

不必寓意於紀職
官之書因戲結之弗出對駁又以何

[illegible]

欽定四庫全書

子部十一

職官分紀

類書類

提要

臣等謹案職官分紀五十卷宋孫逢吉撰逢吉字彥同富春人是書前有元祐七年秦觀序陳振孫書錄解題亦載之考逢吉舉宋隆興元年進士距元祐七年凡七十二年又考朱子罷經筵直講逢吉代講詩權輿篇事在

紹熙五年上距元祐七年凡一百三年逢吉
至寧宗朝尚官秘書監吏郎侍郎知太平州
距元祐七年則一百有餘年矣謂元祐時秦
觀序之殆謬誤也其書每官先列周官典章
次叙歷代制度沿革名姓故事根據經註沿
考史傳搜採頗為繁富若其引易緯黃帝與
司馬容光觀於元扈引論語緯孔子為素王
顏子為司徒之類無關典要徒以愛博而存

之然類事之書本為詩賦啟劄而設與考典
之書溯歷代沿革源流以明設官分職之義
者體例各殊取材亦異固未可執引緯解經
之說責以泛濫也乾隆四十六年五月恭校
上

總纂官臣紀昀臣陸錫熊臣孫士毅

總校官臣陸費墀

職官分紀序

職官之書尚矣前世士大夫所著如漢官儀魏官儀唐六典之類幾世家而附見於類書中者如御覽通典會要之類又十餘家咸平中華陰楊侃始採諸家之書次為職林凡廿卷號稱精博而斷自五代以前不及本朝之事元豐中朝廷刺六典之文傳有司之議建文昌之府立寄祿之格制度炳然一新可謂甚盛之舉也而因時撰次尚尠其人富春孫彥同雅意斯事間因暇日取

職林而廣之具載新制而又增門目之亡缺補事實之遺漏凡五十卷號職官分紀而古今之事於是備焉或曰君子之學當志其遠者大者楊氏之書粹精神於名物固已惑矣孫氏又從而廣之不亦大惑與余竊以為不然何則昔九方臯知千里之馬而不知牝牡驪黃以臯為善觀天機則可使臯為天子諸侯之有司則僊矣此其所以為黃老家之言也儒者則異於是不以內廢外不以精忘粗故上達天機之妙而不堪天子諸侯有

司之則紀官之事仲尼嘗學於郕子矣何獨於二子而
疑之彥同嗜學好古晚而不衰有志士也讀其書可以
知其為人元祐七年六月望日祕書省校對黃本舊籍
高郵秦觀叙

欽定四庫全書

職官分紀卷一

宋 孫逢吉 撰

歷代總序

前漢百官公卿表易敘伏羲神農黃帝作教化民而傳述其官以為伏羲龍師龍名神農火師火名黃帝雲師雲名少昊鳥師鳥名自顓頊以來為民師而命以民事有重黎句芒祝融后土蓐收玄冥之官然已上矣書載

唐虞之際命羲和四子順天文授民時咨四岳以舉賢材揚側陋十有二牧柔遠能邇禹作司空平水土棄作后稷播百穀禹作司徒敷五教咎繇作士正五刑垂作共工利器用益作朕虞育草木鳥獸伯夷作秩宗典三禮夔典樂和神人龍作納言出入帝命夏殷亡聞焉周官則備矣天官冢宰地官司徒春官宗伯夏官司馬秋官司寇冬官司空是為六卿各有徒屬職分用於百事太師太傅太保是為三公蓋參天子坐而議政無不總

統故不以一職為官名又立三少為之副少師少傅少保是為孤卿與六卿為九馬記曰三公無官言有其人然後充之舜之於堯伊尹於湯周公於周是也或說司馬主天司徒主人司空主土是為三公四岳謂四方諸侯自周衰官失而百職亂戰國並爭事各變異秦兼天下建皇帝之號立百官之職漢因循而不革明簡易隨時宜也其後頗有所改王莽篡位慕從古官而吏民弗安亦多虐政遂以亂亡故略表舉大分以通古今備溫

故知新之義云

後漢百官志漢之初興承繼大亂兵不及戢法度草創
略依秦制後嗣因循至景帝感吳楚之難始抑損諸侯
王及至武帝多所改作然而奢廣民用匱乏世祖中興
務從節約并官省職費減億計所以補復殘缺及身未
改而四海從風中國安樂者也昔周公作周官分職著
明法度相持王室雖微猶能久存今其遺書所以觀周
室牧民之德既至又其有益來事之範殆未有所窮也

故新汲令王隆作小學漢官篇諸文個說較略不究

胡案

廣注隆此篇其論之注曰前安帝時越騎校尉劉千秋校書東觀好事者樊長孫與書曰漢家禮儀叔孫通等所草創皆隨律令在理官藏於几閣無紀錄者久令二代之業闇而不彰誠宜撰次依擬周禮定位分職各有條序令人無愚智入朝不惑君以公族元老正丁其任焉可以已劉君甚然其言與邑子通人郎中張平子參議未定而劉君遷為宗正衛尉平子為尚書郎太史令各務其職未暇恤也至順帝時平子為侍中與校書方作周官解說乃欲以漢次述事會復還河間相遂莫能立也述作之功獨不易矣既感斯言顧見故新汲令王文山小學為漢官篇畧道公卿外內之職旁通四夷博物條暢多所發明足以知舊制儀品益法有成易而道有因革是以聊集所宜為作詁解各隨其下綴續後事令世施行庶明厥旨廣前後率由之準增助來哲多聞

之覽
馬

唯班固著百官公卿表記漢承秦置官本末訖于

王莽差有條貫然皆孝武奢廣之事又職分未悉世祖

節約之制宜為常憲故依其官簿粗注職分以為百官

志

臣昭曰本制既久是注曰百官簿今昭採又異同俱為細字如或相冒兼應注本注尤須分顯故凡是舊

注通為大書稱本注曰以表其異也

凡置官之本及中興所省無因復見

者既在漢書百官表不復悉載

晉百官志書曰唐虞稽古建官惟百所以獎導民萌裁

成庶政易曰天垂象聖人則之執法在南宮之右上相

處端門之外而鳥龍居位雲火垂名前史詳之其已尚
矣黃帝置三公之秩以親黎元少昊配九扈之名以為
農正命重黎於天地詔融冥於水火則可得而言焉伊
尹曰三公調陰陽九卿通寒暑大夫知人事列士去其
私而成湯居亳初置二相以伊尹仲虺為之凡厥樞會
仰承君命總及周武下車成康垂則六卿分職二公弘化
咸樹司存各題標準苟非其道人弗虛榮貽厥孫謀其
固本也如此及秦變周官漢遵嬴舊或隨時適用或因

務遷革霸王之興義在於斯既復厥安所謂得其時制也四征興於漢代四安起於魏初四鎮通於柔遠四平止於喪亂其渡遼凌江輕車強弩式揚遐外用表攻伐興而復毀厥號彌繁及當塗得志尅平諸夏初有軍師祭酒參掌戎律建安十三年罷漢台司更置丞相而以曹公居之用兼端揆孫吳劉蜀多依漢制雖復臨時命氏而無忝舊章世祖武帝即位之初以安平王孚為太宰鄭沖為太傅王祥為太保司馬望為太尉何曾為司

徒荀顗為司空石苞為大司馬陳騫為大將軍世所謂
八公同辰攀雲附翼者也若乃成乎棟宇非一枝之勢
處乎經綸稱萬夫之敵或牽羊以叶於夢或垂釣以申
其道或空桑以獻其術或操版以啟其心卧龍飛鴻方
金擬璧秦奚鄭產楚材晉用斯亦曩時之良其又昭彰
者焉宣王既誅曹爽政由已出網羅英俊以備天官及
蘭卿受羈貴公顯戮雖復策名魏氏而乃心皇晉及文
王纂業初啟晉臺始置二衛有前驅養由之弩及設三

部有熊渠飲飛之衆是以武帝龍飛乘茲奮翼猶武王以周之十亂而理殷民者也是以秦始盡於太康喬柯茂葉來居斯位自大興訖于建元南金北銑用處茲秩雖未擬乎夔拊龍言天工人代亦度幾乎任官惟賢莅事惟能者也

南齊百官志建官設職興自炎吳昉乎隆周之冊表乎盛漢之書存改回沈備於歷代先賢往學以之雕篆者衆矣若夫胡廣舊儀半惟簡撮應劭官典殆無遺恨王

郎奏議屬霸國之初基陳矯增會由軍事而補闕今則
有魏氏官儀魚豢中外官名山濤以意辨人不在位次
荀勗欲去事煩唯論并省定制成文本之晉令後代承
業案為前准肇域官品區別階次蔚宗選簿梗槩欽明
階次詳悉虞通劉寅因荀氏之作矯舊增新今古相校
齊受宋禪事遵常典既有司存無所偏廢其餘散在史
注多已筌拾覽者易知不重述也

後魏官氏志百姓不能以自治故立君以司牧元首不

可以獨斷乃命臣以佐之然則安海內正國家非一人之力也書契以外其事蔑聞至於羲軒昊頊之間龍火鳥人之職頗可知矣唐虞六十夏商倍之周過三百是為大備而秦漢魏晉代有加減罷置盛衰隨時適務且國異政家殊俗設官命職何常之有帝王為治禮樂不相沿海內作家物色非一用其由來尚矣魏氏世君玄朔遠統臣屬掌事立司各有號秩及交好南夏頗亦改稱昭成之即王位已命燕鳳為右長史許謙為郎中令

矣餘官雜號多同於晉朝建國二年初置左右近侍之職無常員或至百數侍直禁中傳宣詔命皆取諸部大人及豪族良家子弟儀貌端嚴機辨才幹者應選又置內侍長四人主顧問拾遺應對若今之侍中散騎常侍也其諸方雜人來附者總謂之烏丸各以多少稱酋庶長分為南北部復置二部大人以統攝之時帝弟觚監北部子寔君監南部分民而治若古之二伯焉太祖登國元年因而改南北猶置大人對治二部是年置都統

長又置幢將及外朝大人官其都統長領殿內之兵
直王宮幢將員六人主三郎衛士直宿禁中者自侍中
以下中散以上皆統之外朝大人無常員主受詔命外
使出入禁中國有大喪大禮皆與參知隨所典焉

隋百官志易曰天尊地卑乾坤定矣卑高既陳貴賤位
矣是以聖人法乾坤以作則因卑高以垂教設官分職
錫珪胙土由近以致遠自中以統外內則公卿大夫士
外則公侯伯子男咸所以協和萬邦平章百姓允釐庶

績式敘彝倫其由來尚矣然古今異制文質殊途或以
龍表官或以雲紀職放勲即分命四子重華乃爰置九
官夏倍於虞殷倍於夏周監二代沿革不同其道既文
置官彌廣逮於戰國戎馬交馳雖時有變革然猶承周
制秦始皇廢先王之典焚百家之言創立朝儀事不師
古始罷封侯之制立郡縣之官太尉主五兵丞相總百
揆又置御史大夫以貳於相自餘衆職各有司存漢高
祖除暴寧亂輕刑約法而職官之制因於嬴氏其間同

異抑亦可知先武中興聿遵前緒唯廢丞相與御史大夫而以三司綜理衆務泊於叔世事歸臺閣論道之官備員而已魏晉繼及大抵略同爰及宋齊亦無改作梁武受終多循齊舊然而定諸卿之位各配四時置戎狄之官百有餘號陳氏繼梁不失舊物高齊創業亦遵後魏臺省位號與江左稍殊所有節文備詳於志有周創據闕右日不暇給泊乎克清江漢爰議憲章酌鄴鎬之遺文置六官以綜務詳其典制有可稱焉高祖踐極百

度伊始復廢周官還依漢魏唯以中書為內史侍中為
納言自餘庶僚頗有損益煬帝嗣位意存稽古建官命
職率由舊章大業三年始行新命于時三川定鼎萬國
朝宗衣冠文物足為壯觀既而以人從欲待下若讎號
今日改官名月易尋而南征不復朝廷播遷圖籍注記
多從散逸今之存錄者不能詳備焉

唐百官志唐之官制其名號祿秩雖因時增損而大抵
皆沿隋故其官司之別曰省曰臺曰寺曰監曰衛曰府

各統其屬以分職定位其辨貴賤敘勞能則有品有爵
有勲有階以時考覈而升降之所以任羣材治百事其
法則精而密其施於事則簡而易行所以然者由職有
常守而位有常員也方唐之盛時其制如此蓋其始未
嘗不欲立制度明紀綱為萬世法而常至交侵紛亂者
由其時君不能慎守而徇一切之苟且故其事愈繁而
官益冗至失其職業而卒不能復初太宗省內外官定
制為七百三十員曰吾以此待天下賢才足矣然是時

已有員外置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉自中世之後盜起兵興又有軍功之官遂不勝其濫矣故採其綱目條理可為後法及事雖非正後世遵用因仍而不能改者著于篇

宰相之職佐天子總百官治萬事其任重矣然自漢以來位號不同而唐世宰相名尤不正初唐因隋制以三

省之長中書令侍中尚書令共議國政此宰相職也其
後以太宗嘗為尚書令臣下避不敢居其職由是僕射
為尚書省長官與侍中中書令號為宰相其品位既崇
不欲輕以授人故常以他官居宰相職而假以他名自
太宗時杜淹以吏部尚書叅議朝政魏徵以秘書監叅
預朝政其後或曰叅議得失叅知政事之類其名非一
皆宰相職也貞觀八年僕射李靖以疾辭位詔疾小瘳
三兩日一至中書門下平章事而平章事之名蓋起於

此其後李勣以太子詹事同中書門下三品謂同侍中
中書令也而同三品之名蓋起於此然二名不專用而
他官居職者猶假他名如故自高宗以後為宰相者必
加同中書門下三品雖品高者亦然惟三公三師中書
令則否其後改易官名而張文瓘以東臺侍郎同東西
臺三品同三品入銜自文瓘始永淳元年以黃門侍郎
郭待舉兵部侍郎岑長倩等同中書門下平章事平章
事入銜自待舉等始自是以後終唐之世不能改初三

省長官議事于門下省之政事堂其後裴炎自侍中遷中書令乃徙政事堂於中書省開元中張說為相又改政事堂號中書門下列五房其後一曰吏房二曰機樞房三曰兵房四曰戶房五曰禮房分曹以主衆務焉宰相事無不統故不以一職名官自開元以後常以領他職實欲重其事而反輕宰相之體故時方用兵則為節度使時崇儒學則為大學士時急財用則為鹽鐵轉運使又其甚則為延資庫使至於國史太清宮之類其名

頗多皆不足取法故不著其詳

學士之職本以文學言語被顧問出入侍從因得參議
謀納諫諍其禮尤寵而翰林院者待詔之所也唐制乘
輿所在必有文詞經學之士下至卜醫伎術之流皆直
於別院以備宴見而文書詔令則中書舍人掌之自太
宗時名儒學士時召以草制然猶未有名號乾封以後
始號北門學士玄宗初置翰林待詔以張說陸堅張九
齡等為之掌四方表疏批答應和文章既而又以中書

務劇文書多壅滯乃選文學之士號翰林供奉與集賢
院學士分掌制詔書勅開元二十六年又改翰林供奉
為學士別置學士院專掌內命凡拜免將相號令征伐
皆用白麻其後選用益重而禮遇益親至號為內相又
以為天子私人凡充其職者無定員自諸曹尚書下至
秘校書皆得與選入院一歲則遷知制誥未知制誥者
不作文書班次各以其官內宴則居宰相之下一品之
上憲宗時又置學士承旨唐之學士弘文集賢分隸中

書門下省而翰林學士獨無所屬故附列於此云

五代職官志官非位無以分貴賤位非品無以定卑高
是以歷代史官咸有所紀皆窮源而討本期與世以作
程逮乎唐祚方隆玄宗在省採累朝之故事考衆職之
遐源申命才臣著成六典其勲階之等級品秩之重輕
則已備載於其中矣故今之所撰不敢相沿祖述五代
之命官以踵百王之垂範或釐革升降則謹而志之俾
後之為天官卿者得以觀焉

職官分紀卷一

欽定四庫全書

職官分紀卷二

宋 孫逢吉 撰

三公 三師

書周官立太師太傅太保茲惟三公論道經邦燮理陰

陽官不必備惟其人

孔安國曰師天子所師法傅傳相天子保保安天子於德義此惟三

公之任佐王論道以經緯國事和理陰陽言有德乃堪之三公之官不必備員惟其人有德乃處之

逸禮太公為太師周公為太傅召公為太保

前漢百官表夏商無聞焉周官則備矣太師太傅太保
是為三公益參天子坐而議政無不總統故不以一職
為官名又立三少為之副少師少傅少保是為孤卿與
六卿為九馬記曰三公無官言有其人然後充之舜之
於堯伊尹之於湯周公召公之於周是也或說司馬主
天司徒主人司空主土是為三公太師太保皆古官平
帝元始元年皆初置金印紫綬太師位在太傅上太保
次太傅

晉職官志太尉司徒司空並一官也自漢歷魏置以為三公及晉受命迄於江左其官相承不替

宋百官志晉初依周禮備置三公三公之職太師居首景帝名師故置太宰以代之自太師至太保是為三公論道經邦變理陰陽無其人則闕所以訓人主道以德義者

宋書太師太傅太保為三公訓護人主道以德義天子加拜以不臣之禮非其人則闕漢制傅保在三公上號

金史卷八十二
卷二
曰上公

南齊百官志太師太保太傅周舊官齊唯置太傅

隋百官志梁武受命之初官班多同宋齊之舊太宰太傅太保太尉司徒司空陳承梁皆循其官制後齊多循後魏置太宰太傅太保是為三師擬古上公非勲德崇者不居次有大司馬大將軍是為二大並典司武事次置太尉司徒司空是為三公三師二大三公府三門當中開黃閣設內屏三師二大置佐史則同太尉周太祖

命尚書令盧辯遠師周之建職置三公三孤以爲論道之官決置六卿以分司庶務隋高祖既受命改周之六官其所制名多依前代之法置三師三公三師不主事不置府僚蓋與天子坐而論道者也三公參議國大事依後齊置府僚無其人則闕祭祀則太尉亞獻司徒奉俎司空行掃除其位多曠皆稱行事尋省府及僚佐置公則坐於尚書都省朝之衆務總歸於臺閣及煬帝即位廢三師官

唐百官志太師太傅太保各一人是為三師太尉司徒司空各一人是為三公皆正一品三師天子所師法無所總職無其人則闕三公佐天子理陰陽平邦國無所不統親王拜者不親事祭祀闕則攝

簡廢貞觀十一年復置與三公皆不

設官屬

自高宗以後為宰相者必加同中書門下三品雖

品高者亦然惟三師三公中書令則否唐書太宗手詔曰朕觀前代明王聖主曷常無師傅哉況朕踵百家之末智不周物其無師傅何以正朕之不逮詩云不愆不

忘率由舊章宜依古道置三師官

六典三師訓導之官也其名即周之三公漢哀平間始尊師傅之位在三公上謂之上公明雖天子必有所師其後或置或廢大抵無所統職至後魏特稱三師以正其名然非道德崇重則不居其位無其人則闕之故近代多以為贈官皇朝因之其或親王拜者但存其名爾三公論道之官也蓋以佐天子理陰陽平郡國無所不統故不以一職名其官然周以來代存其任自隋文帝

卷二
罷三公府寮皇朝因之其或親王拜者亦但存其名位

爾

漢承秦例不置三公漢末以大司馬大司徒大司空為三公師傳之官在三公上後漢因之師傳尊號曰

上公置府寮魏晉江左皆然後魏太師太傅太保尊號曰三師後周又為三公隋氏又為三師皇朝因之又漢制三公府分部九卿獻帝建安十三年省三公官置丞相隋置太尉司徒司空為三公正一品置府寮置公則尚書省上皇朝因之武德初秦王襲之永徽中長孫無忌為之其後親王拜三公者不視事祭祀則攝者行焉

五代職官志後唐清泰二年制以前同州節度使檢校

太尉同平章事馮道為守司空時議者曰自隋唐以來

三公無職事非親王不常置於宰臣為加官無單置者

道在相位時帶司空及罷鎮未命議者不練故事率意行之及制出言議紛然或云便可總中書門下事或云須策拜開府及就列無故事乃不就朝堂叙班臺官兩省入就列方入宰臣退踵後先退劉昫又以罷相為僕射出入就列一與馮道同議者非之及晉天福中以李鱗為司徒周廣順初以實正固為司徒蘇禹珪為司空遂以為例議者不復有云

國朝治平二年詔自今皇子及宗室卑屬除檢校師傅

金史卷一百一十五
官者隨其遷序改授三公仍俟加恩改授

元祐令諸太師太傅太保為三師太尉司徒司空為三公
春明退朝錄國朝歷三師三公者太祖即位天雄節度
符魏王彥卿自守太尉為太師定難節度西平王李中
令彝興自守太傅為太尉荆南節度南平王高中令保
融自守太保為太傅

太尉舊在三師之下繇唐以來以上公為重李光弼自
司空為太尉薨贈太保郭子儀自司徒為太尉薨贈太

師李德裕自司徒為太尉皆似超拜李載義自司徒為太保王智興自司徒為太傅二人卒俱贈太尉是以上公寵待宗臣餘雖有功可遷保傅而掌武之尊不可得也五代至國初節度皆自檢校太傅遷太尉太尉遷太師然無升秩明文

賈黯在翰林建言皇子不當為檢校師傅乃止除太尉

天子有爭臣

孝經古者天子有爭臣七人注謂三公及前疑後丞左輔右弼

三卿佐一

公

尚書大傳古者天子三公每一公三卿佐之每一大夫三士佐之故天子三公九卿二十七大夫八十一

元士所以為三事

詩雨無正大夫刺幽王也三事大夫莫肯夙夜

三槐

周禮朝士掌建

邦外朝之法而

內與王論道

周禮地官注三公者內與王論道中參六官之事外

與六卿之教其要為

一命衮

禮王制曰三公一命衮若

民是以屬之卿焉

有則賜也不過九命三公八命矣復加一命則服衮龍與王者之後同多於此

則賜也非命服也虞夏之制天子有日月星辰周禮曰

獄成參聽

又曰大司寇以獄之成告

諸公之服自衮冕而下如王之服

如喉在咽以理舌語

春秋合誠圖曰天理在斗

制刑如喉在咽以理舌語
理舌語宋均注曰斗為天之舌口主出政教三公主導

天子之相

公羊隱公元年天子三公稱三公者何天子之相也又五年天子之相則何以二自

陝而東者周公主之自陝而西者召公主之一相處乎內

上賢

荀子君道曰上賢使之為三公次賢使之

為諸侯下賢使之為士大夫是所以顯設之也

總方而議

又王霸三公總方而議則天子共已而已

矣百察之率萬民之表

漢詔曰夫三公者百察之率萬民之表也未有樹直表而得曲

影者通經術知大體

梁王所欲殺大臣十餘人文史窮

泣不止景帝甚憂之問公卿大臣大臣以通經術吏往治之乃可解於是遣田叔呂季主往治之此二人皆通經術知大體來還至霸昌廡取火悉燒梁之反辭但空手來對景帝帝曰何如對曰言梁王不知也造為之者獨其幸臣羊勝公孫詭之屬為之爾謹以伏誅死梁王無恙也景帝喜說曰急趨謁太后太后問之立起坐食氣平復故曰不通經術知古今之大體不可以號稱萬為三公及左右近臣少見之人如從管窺天也

石前漢百官公卿表注漢制三公號稱萬石其俸月各三百五十斛天子改容而禮之

賓誼曰今自王侯三公之貴皆天子之所改容而禮之也古天子之所謂伯父伯舅也起白屋丘

壽王曰今三公有司或由窮巷起於赫三事匪俊匪作

白屋裂地而封者此議公孫弘也腹心果吾師丹曰夫王公言三公顯職以賢俊為之

相過匡率百寮鼎足承君彭宣為大司空王莽專權宣和合天下也上書言三公鼎足承君一足

不任則覆丞相獨兼成帝時何武為九卿建言古者民亂美實也樸事約國之輔佐必得聖賢然猶

則天三光備三公官各有分職今末俗之興政事煩多宰相之材不能及古而丞相獨兼三公之事所以久廢

而不治也宜建三公官定卿大夫之分職授政以考功效上

上應台階下同元首

後漢郎顗傳三公上應台階下同元首注春秋元命苞曰魁下六星

兩兩而比曰三台漢書音義曰泰階三台也又黃帝泰階六符經曰泰階者天之三階也上階為天子中階為

諸侯公卿大夫下階為士庶人三階平則陰陽和風雨調尚書曰君為元首臣作股肱言三公上象天之三階

下與人三府郎顗拜章曰選舉牧守委天地災變皆免

君同體後漢本制曰蝕星流及大雨雹等災變者唯免太尉自徐防為太尉凡天地災變三公皆免至魏黃初二年始

罷此鼎象顯宗永平六年王雒山出寶鼎詔曰鼎司楊

曰三公鼎司明糾非法韋帝二年詔春秋之義以貴理無所不統賤今自三公並宜明糾非法宣

振風蔡邕上疏曰五年制書今三公謠言奏事是時奉公者欣然得志注漢官儀曰

風謠言奏事是時奉公者欣然得志注漢官儀曰

三公聽採長吏臧否人所疾苦條奏之是為舉謠言也

登槐鼎之任

先武尤信識言以王梁孫

成名應圖籙越

上則台階下象山岳

劉恒傳陳忠上疏薦愷曰臣聞三公

上則台階下象山岳股肱元首

協和陰陽調訓五品

上

台輔之任實和陰陽

李固曰臣聞台輔之任實和陰陽

去大名

朱祐奏宜令三

公去大名以法

經典先武從之課覈以課覈三公其人或失而其禮稍

薄至有誅斥詰辱之累

股肱

崔寔政論曰三公天子之股肱也

在公台

二十餘年

謝承後漢書胡廣在公台二十餘年歷事六帝禮任甚優每遜位稱疾及逸退田里未嘗

滿歲輒復升進凡一履司空再作司徒三登太尉又為太傅其所辟命皆天下之士與故吏陳蕃李成並為三

司蕃等每朝會輒稱疾避廣時人榮之

不敢先佩印綬

黃憲同郡陳蕃為三公臨朝歎曰叔

度若在吾不敢先佩印綬矣

食不過一肉脫粟飯

荀悅漢記荀爽為三公食不過一肉

脫粟飯

累世三公

續漢書楊彪字文先博覽衆書有恭孝稱位至司徒太尉見漢祚將終自以累

世三公恥復為魏臣

雀環

續齊諧記弘農楊寶嘗見一黃雀為鵩巢所搏墜樹下又

乃稱脚掌不復行
為螻蟻所困寶慰之取致巾箱中養之唯食黃花百餘日毛羽成放之朝去暮還後或與羣雀俱來哀鳴連室

數日乃去爾夕三更寶讀書未卧有黃衣童子向室再拜曰我王母使臣為鵩巢所搏蒙君拯濟今當使南海

不得復往以白環四枚與寶曰令君子孫潔白登三公辭去遂絕寶生震震生秉秉生賜賜生彪四世為三公

延入講論得失

魏初三公無事希預朝政高柔上疏曰公輔之臣國之棟梁古者刑政有疑輒

議於槐棘之下自今之後朝有疑議及刑獄大事宜數以咨訪三公三公朝朔望之日可特延入講論得失文

帝嘉載輿上殿魏志太傅鍾繇有膝疾拜起不便時太尉華歆亦以高年疾病朝見皆使載輿

車虎賁昇上殿就坐是後領兵入見交戟又頸又舊制三公有疾遂以為故事

兵入見皆交戟又頸而前曹操將討張繡一代之偉人入覲天子時始復此制操自此不復朝見

又文帝即王位鍾繇復為大理及踐阼轉太尉時司徒華歆司空王朗並先世名臣文帝罷朝謂左右曰凡三

公者乃一代之偉人不過令吾不作三公早毗字佐治魏明帝時中

也後曰殆難繼矣書監令劉放孫資見信於主制斷時政大臣莫不交好而毗不與往來子敬諫毗正色曰與劉孫不平不過令

吾不作三公而已大丈夫欲為公而豈毀其高節者耶後畢執表言尚書僕射王思忠亮計畧不如卒毗毗宜

代思帝以訪放資放資對曰王公相去一階魏太尉王

實亮直然性剛而專遂不用

祥字休微

晉武帝為晉王祥與荀顗往謁顗謂祥曰相王尊重何侯既已盡敬今便當拜也祥曰相國誠為尊貴然是魏之宰相吾等魏之三公公王相去一階而已班列大同安有天子三公而輒拜人者損魏朝之望虧晉王之德君子愛人以禮吾不為也及入顗遂拜而祥獨長揖帝曰今日方知君見顧之重矣何侯謂何曾亦三公也

三公封侯

在林生德孺為司空封安陽亭侯

論道之官

徐邈字景山拜司空嘆曰三公論道之官無其人則缺豈可以老病取之哉固辭不受

八公同辰

攀雲附翼

晉職官志晉受魏祥以安平王孚為太宰鄭

為司徒荀顗為司空石苞為大司馬陳騫為

調陰陽

又伊尹曰

大將軍世所謂八公同辰攀雲附翼者也

職官分記

+

三公調陰陽九卿通寒暑佩刀呂虔有佩刀工相之以為必登三公可服此刀

大夫知人事列士去其私

虔謂王祥曰苟非其人力或為害卿有公輔之量故以相與祥始固辭強之乃受祥後果為太保臨薨以刀投

弟覽曰汝後必興足稱此刀覽三公自共選一公劉寔

後歷世多賢才興於江左矣三公自共選一公以世

多進趨著崇讓論以一官缺擇眾官所讓最多者用之

三司有缺擇三司所讓最多者用之此為一公缺三公

預送之且主選之吏不必任公而選臨軒遣使咸帝臨

三公不如令三公自共選一公為詳臨軒遣使軒遣使

拜太傅太尉司空儀注太樂宿懸於殿庭門下奏非祭

祀宴饗則無設樂之制太常祭謨議曰凡敬其事則備

其禮禮備則有樂今大拜輔相致拜盡敬文帝為晉王

臨軒遣使宜有金石之樂從焉致拜盡敬時何曾與高

柔鄭冲俱為三公將入見曾策拜設小會前代三公策

獨致拜盡敬二人獨揖而已策拜設小會拜皆設小會

所以崇宰輔之制自魏末以後廢不復宣德化調七政
行至石鑿拜司徒有詔令會遂以為常
天文志輔星傳乎開陽所以佐斗成功丞相之象也七
政星明其國昌輔星明則臣強杓南三星及魁第一星
西三星皆曰三公主宣德和陰陽之官上職典天地禮
化調七政和陰陽之官也
衛雅奏曰夫三公職典天地實掌人物國之大事取義
於此故漢氏封禪非是官也不在其事臣等前奏蓋陳
祖考之功天命又應陛下之德
夜聞神言知當為公
合同四海迹古者今宜修此禮
未達時嘗詣野王主人妻夜產俄而聞車馬之聲相問
曰男也女也曰男書之十五以兵死復問寢者為誰曰
魏公舒後十五載詣主人問所生兒何在曰因條
桑為斧傷而死舒自知當為公矣其後果為司徒不過
使吾不為三公
顧頤之為吏部尚書出為吳興太守幸
臣戴法興權傾人主而頤之未嘗低意

光祿大夫蔡興宗與之善嫌其風節過峻論道興化
之曰卒毗有云劉孫不過使吾不為三公爾
庾純字謀甫而賈充宴相譏純上表自劾臣不惟生育
之恩求養老父而懷祿貪榮烏烏之不若充為三公論
道興化以教義責臣是也而以枉錯直居下犯
上醉酒迷荒昏亂儀度臣得以凡材擢授顯任上應天
心鄭袤字林叔以為司空天子臨軒建國坦就第拜授
表上送印綬至于十數謂坦曰魏以徐景山為司空
吾時為侍中受詔之日徐公語吾曰三公當上應天心
苟非其人寔傷和氣不敢以垂死之年累辱朝廷也終
於不就遵大雅君子父子居上公位諸公讚司馬望字子
子之迹可不務乎父子居上公位初孚之長子有才偉
早著名咸熙中位至司徒入晉封義陽王遷太尉大司
馬時孚為太宰父子居上公位百代以來未之有也
灼然有公輔之望中興書謝安栖遲東山縱意遊玩弟

子萬時為西中郎將位居藩任而安

在私門名猶出萬右
灼然有公輔之望

血流彈壁仍作公字

吳苑曰陶侃曾如廁見數

十人悉持大杖有一人衣平上幘自稱後帝云君長者
放出相見三載莫說當富貴言訖侃便起未幾失所在

有大印作公字當其穢處侃左手有文直達中指至橫
上節便絕占者以為此文若過位無極侃針挑合徹血

流彈壁仍作公字又
取紙哀公迹遁明

具瞻所歸不用非其人

荀勗別傳曰晉司徒

不用武帝問其人於勗答曰三公具瞻所歸
不用非其人魏文帝用賈詡孫權笑之

我不獨拜公

世說王丞相既拜司徒而歎曰
王喬若過江我不獨拜公爾

兼才望

光祿大夫青州大中正劉毅卒

武帝撫几驚曰失吾名臣不得生三公即贈儀同三司
北海王宮上疏曰中詔以毅忠允匪躬贈台司臣謹按

議者行之迹號者功之表今毅功德並立而有號無議
臣竊以春秋之事求之議法主於行而不繫爵然漢魏

相承爵非列侯則皆沒而高行不加之議至使三事之
附臣不如野戰之將臣願舉春秋之遠制改列爵之舊

限帝出其表使八座議口自為鼓齊張敬兒將拜三司
謂其妻嫂曰我拜後

之多同官議奏寢不行府開黃閣口自為鼓聲初得鼓吹羞便奏之又於新以
林按廟中為妻祈子兒神口自稱三公其鄙俚如此

任昉為記室

梁武帝尅建業霸府初開以任昉為驃騎記
室參軍專主文翰始梁武與昉遇竟陵王

西郎從容謂昉曰我登三府當以
卿為記室至是引昉以符皆言

黃閣置鵠尾

陳舊制
三公黃

閣聽事置鵠尾後帝時蕭摩訶以功授侍中驃騎大將
軍左光祿大夫時詔摩訶開閣門施行馬聽事寢堂並

置鵠尾黑頭三公

後魏書宗室元或少有才學當時甚美
侍中崔光見而謂人曰黑頭侍中當此

也人司武司眾司土

詔曰尉惟司武武在止戈徒惟司
眾敬數五教空惟司土利用厚生食

不兼味

長孫道生拜司空加侍中性忠厚廉約身為三司而衣不華飾食不兼味一熊皮鄭泥十年不

易時人比

中書令讀策

唐宰相張延賞與李晟不協吐蕃尚結贊數遣使乞和晟奏曰

之晏嬰

我狄無信不可許上意將帥生事邀功延賞揣上意奏

罷歲兵權拜太尉兼中書令奉朝請而已故事冊拜三

公中書令請冊侍中奉禮如闕即以宰相攝之延賞欲

輕其禮始令兵部尚書崔漢衡攝中書令讀冊時議非

之正天下

說苑三公正天下

在天曰三台

天文錄三台星一名三能

一名天柱三公之位也在

人曰三公在天曰三台

象鼎足承上

環濟要畧三公者象鼎三足共

承其上其

三老五更

禮記樂記曰食三老五更於太學天子袒而割牲執醬而饋執爵而醕冕而總干所以教諸侯之弟也

三老五更互言

之耳皆老人更知三德五事者也冕而總干親在舞位也周名太學曰東膠

文王世子曰天子視學大昕鼓徵所以警衆也衆至然後天子至乃命有司行事興秩節祭先師先聖焉有司

卒事反命始之養也適東序釋奠於先老遂設三老五

更羣老之席位焉適饌省醴養老之珍具

養老東序則視學於上庠

三老五更各一人也皆年老更事致仕者也天子以父兄養之示天下之孝弟也名以三五者取象三辰五星

天所以照明天下者羣老無數其禮亡以鄉飲酒禮言之席位之處則三老如賓五更如介羣老如衆賓必也

王制曰凡養老有虞氏以燕禮夏后氏以饗禮殷人以

食禮周人修而兼用之五十養於鄉六十養於國七十

養於學達於諸侯

天子諸侯養老同

有虞氏養國老於上庠養

庶老於下庠夏后氏養國老於東序養庶老於西序殷

人養國老於右學養庶老於左學周人養國老於東膠

養庶老於虞庠虞庠在國之西郊有虞氏深衣而養老

夏后氏燕衣而養老殷人縞衣而養老周人玄衣而養

老

內則凡養老五帝憲三王有乞言

有讀為又又從之求善言可施行也

帝憲養氣體而不乞言有善則記之為惇史三王亦憲

既養老而後乞言亦微其禮皆有惇史

惇史史教厚者也微其禮者依

達言之求而不切也

孝經援神契天子親臨辟雍尊事三老兄事五更三者
道成於三五者訓於五品言其能以善道改更也三老
五更皆取其首妻男完具者

蔡邕月令章句五更當為五叟叟長老之稱也其字似更書者轉誤嫂字女旁叟今皆以為更矣

應劭漢官儀天子父事三老兄事五更天子親割三公設几九卿正履

以引以翼

詩行葦周家忠厚仁及草木故能內睦九族外尊事黃耆養老乞言以成其福祿焉其詩

曰曾孫惟主酒醴維醕酌以大斗以祈黃耆黃耆台背以引以翼

幸辟雍行禮

後漢明帝永平

二年冬十月壬子幸辟雍初行養老禮詔曰復踐辟雍尊事三老兄事五更安車輶輪供綏執授侯王設醬公卿饌珍朕親袒割執爵而醕祝哽在前祝饌在後升歌鹿鳴下管新宮八佾具脩萬舞於庭朕固薄德何以克

當三老李躬年者學明五更桓榮投朕尚書詩曰無德
不報無言不酬其賜榮爵闕內侯邑五千戶三老五更
皆以二千石祿養終其身注尊事三老父象也老人知
天下之事者輒論以蒲裏輪三老就車天子執綬授之
五更老人知五行更代事者三老五更皆取有首妻男
女全具者用其德行年者高者三公一人為三老次卿
一人為五更亦如之不杖皆齋于太學講堂其日乘輿扶
玉杖五更亦如之不杖皆齋于太學講堂其日乘輿扶
到辟雍遣使安車迎三老五更天子迎于門三公設几
杖九卿正履天子親袒割俎執醬而饋執爵而醕明日
皆詣闕謝以其奉杖進履賈山曰天子之尊四海之內
於已禮太隆也奉杖進履莫不為臣然而養三老於太
學親執醬而饋執爵而醕祝饌在班固辟雍
前祝嘏在後公卿奉杖大夫進履皤皤國老詩曰皤皤
國老乃玉杖續後漢三老五更杖玉杖長九尺端以鵠
父乃兄玉杖為飾鵠者不噎之鳥欲老人之不噎也

賜玉杖

華嶠後漢書熙平中天子引袁逢為三老賜玉杖

車駕躬行古禮

魏志少帝

詔曰夫養老興教三代所以樹風化也乞言納誨著在傳史具以王祥為三老鄭小同為五更車駕躬行古禮

帝乞言於祥祥對曰昔者明王禮樂既備加之以忠誠忠誠之發形於言行以師道自居

王隱

晉書曰王祥字休徵魏高貴鄉公入學命祥為三老鄭小同為五更祥南面以師道自居帝北面乞言於是仰惟明王聖帝君臣政化之要備以訓以老遜位

後魏孝文帝

十六年司徒尉元以老遜位八月已酉以尉元為三老游明根為五更

尚父

史記周本紀武王克商封功臣謀士而師尚父為首封

於營丘曰齊也

齊世家曰太公望呂尚窮困年老矣以漁釣干周西伯
西伯將出獵卜之曰所獲非龍非虜非虎非羆所獲霸
王之輔於是西伯獵果遇太公渭之陽與語大說曰自
吾先君太公曰當有聖人適周周以興子真是耶吾太
公望子久矣故號之曰太公望載與俱歸故文王時天
下三分有二歸周者太公之謀計居多及武王滅商遷
九鼎修周政而與天下更始尚父謀又居多於是封師

尚父於齊營丘

鷹揚

詩大明維師尚父時維鷹揚涼彼武王注師太師也尚父可尚可父也鷹揚如鷹之飛揚也涼佐也

師之尚之父之

劉向別錄師之尚之父之故曰師尚父亦男子之稱

欲稱而止

魏志董卓至西京為太師號曰尚父董卓青蓋金華車爪畫兩轎時人號曰旱摩車公卿見卓謁拜車下卓不為禮注獻帝記曰卓既為太師復欲稱尚父以問蔡邕邕對曰昔武王受命太公為師輔佐周室以代無道是以天子尊之稱父今公之功德誠為魏宜

涓闕

東憲定車駕東還然後議之乃止

魔去妾婢待

盧杞

唐郭子儀建中初為尚父有疾百官造問皆不屏妾婢及御史中丞盧杞來子儀速麾去遠側獨隱

几待杞杞去或問其故子儀曰彼形怪陋而

險吾左右見之必笑此人若得權吾當族矣

錢鏐

吳越書天

祐三年以
繆為尚父

四輔

尚書大傳古者天子必有四鄰前曰疑後曰丞左曰輔
右曰弼天子有問無對責之疑有志而不志責之丞可
正而不正責之輔可揚而不揚責之弼其爵視卿其祿
視次國之君

禮記文王世子曰虞夏商周有師保有疑丞設四輔及
三公不必備惟其人語使能也

得能則用之無則已不
必備其官也小人處其

位不如
且闕

君子曰德德成而教尊教尊而官正官正而國

治君之謂也

前漢平帝元始元年置太師太保孔光以太傅遷太師

王舜以車騎將軍為太保王莽以大司馬領太傅又置

少輔為四輔王莽居攝置四輔官

初王莽為左輔甄豐
為右弼甄邯為後丞

後又制以太師太傅
國師國將為四輔

後周宣帝又置四輔官以大冢宰越王盛為大前疑蜀

國公尉遲迥為大右弼申國公李穆為大左輔隋國公

楊堅為大後丞

欽四鄰

書益曰欽四鄰庶頑說既若爭臣孝經古者天

人鄭玄注謂三公前

為國維綱

前漢馬宮守游卿為大

疑後丞左輔右弼四輔為國維綱三公之任鼎足承君不有鮮明無以居

位如君言至誠可聽惟君之惡在酒心前不敢文過朕

甚多置七臣以廣諫道後漢劉瑜上疏曰惟陸爭臣七

人以自鑒照

邠壽傳何敞上疏理之曰臣聞聖王關四

諫之木聽歌謠於路

太師

大戴禮天子不諭於先聖之德不知君國畜民之道不見禮義之正不察應事之理不博古之典傳不閑威儀之數詩書禮樂無經學業不法凡是之屬太師之任也前漢百官公卿表太師古官平帝元始元年初置金印紫綬太師位在太傅上

漢書音義師訓也

應劭漢官儀太師古官殷紂時箕子周武王時太公成王時周公並為太師周公薨畢公代之秦及漢初並無

至平帝元始元年初置以孔光居焉

晉職官志晉初以景帝諱置太宰以代太師之任扶增
三司太傅太保皆為三公

宋百官志太宰一人周武王時周公旦始居之掌邦治
為六卿之首秦漢魏不常置晉初依周禮備置三公之
職太師居首景帝名師故置太宰以代之太宰蓋古之
太師也殷紂之時箕子為太師周武王時太公為太師
周成王時周公為太師周公薨畢公代之漢西京初不

置平帝始復置漢東京又廢獻帝初董卓為太師卓誅
遂廢魏世不置晉既因太師而置太宰以安平王孚居
焉

南齊百官志太師太保太傅周舊官漢末董卓為太師
晉惠帝初衛瓘為太保自後無太師而太保為贈齊唯
置太傅

隋百官志後齊多循後魏置太師太保太傅為三師

唐百官志太師一人

天寶以前唯以其官贈仲尼及長
孫貞武士履實穀韋元貞張說裴

先父師書微子作誥父師少師注周公為師君典曰召

公為師相成今子祇命畢命王曰嗚呼父師今子天子

王為左右今子祇命祇命公以周公之事往哉天子

所師法周官曰立太師太傅太保注師天子所師法也師保之訓太甲曰既往

弗克于赫赫師尹民具爾瞻詩節彼南山維石巖巖赫

厥初赫赫師尹民具爾瞻詩節彼南山維石巖巖赫

氏太師維周之民東國之均四方是維天子是毗俾民

不迷箋云底當作桎轄之桎毗輔也言尹氏當太師之

官為周之桎轄持國政之平維制四方上輔天子維師尚

子下教化天下使民無迷惑之憂言任至重也維師尚

父時維鷹揚大明見師尚父史記齊首封周本紀並賜

靈壽杖前漢平帝即位太后稱制委政王莽白太后帝

初少宜置師傳乃以孔光為太傅明年徙先為

太師莽為太傅光常稱疾不敢與莽並及莽為宰衡位
諸侯王上光愈恐固稱疾辭位太后詔無朝十日一賜
食賜太師靈壽杖黃門令為太師省中位
生置几太師入省中用杖賜食十七物
篤學博聞宜

備國師

續漢書趙典篤學博聞
宜備國師即太師也

鴻鵠固有遠志

獻帝春秋董卓

自號太師御史中丞以下皆拜皇甫嵩與卓爭權後嵩
為中丞見卓拜卓曰可以服未嵩曰安知明公乃至於
是卓曰鴻鵠固有遠志但燕雀不知爾嵩曰昔與明公
俱為鴻鵠但明公今日變為鳳凰卓笑曰卿早服何得
不
欲稱尚父
魏志董卓
見尚父門師臣
軒轅聖人也仗
師臣而授圖
縞巾素帶

居師友之位

晉書蜀李壽以安車束帛聘龔壯為太
師壯固辭特聽縞巾素帶居師友之位天

地太師

蜀李雄借號時范長生自西山來素與詣成都
雄拜長生為天地太師封西山侯秩贈三司

次定四庫全書

卷

職官分紀

三

贊拜不名

隋高祖受禪李穆來朝高祖降生禮之拜太師贊拜不名真食成安縣三千戶於是穆子

孫雖襁褓悉拜儀同其一門執象笏者百餘人穆之貴盛當時無比師範一人唐置太師

人儀刑四海

官之極

後唐天成三年詔曰太師官之極

就賜生辰器幣

國朝淳化

三年遣左正言張柬齋太師趙普生辰器幣鞍馬就西京賜之國朝故事非同平章事者無生辰賜幣之例上以普勲舊故特異其禮養疾三月以西京留守太保兼中書令趙普為太師西京養疾以開國元臣故

優拜之非常例也

太傅

大戴禮傳傳之德義也天子無恩於父母不惠於庶民

不禮於大臣不中於折獄無經於百官不哀於喪不敬於祭不信於諸侯不誠於戎事不誠於賞罰不厚於德不强於行賜予侈於近臣憐愛於疏遠卑賤不能懲忿窒欲不從太師之言凡是之屬太傅之任也

前漢百官表太傅古官高后元年初置金印紫綬後省八年復置後省哀帝元壽二年復置位三公上

後漢百官志太傅上公一人本注曰掌以善道無常職世祖以卓茂為太傅薨因省其後每帝初即位輒置太

傳錄尚書事薨輒省

大戴記曰傳傳之德義也應劭漢官儀曰傳者覆也賈生曰天子不

喻於先聖之德不知君民之道不見禮義之正詩書無宗學業不法此太師之責也古者齊太公職之天子不患於庶民不禮於大臣不中於折獄無經於百官不哀於喪不敬於祭不戒於齊不信於事此太傅之責也古者周公職之天子處位不端受業不敬言語不敬音聲不中進退升降不以禮俯仰周旋無節此太保之責也古者燕召公職之天子燕業反其學左右之習詭其師答諸侯遇大臣不知文雅之辭已語之通簡聞少誦不博不習此少師之責也天子居處出入不以禮衣服冠帶不以制御器列側不以度采服從好不以章忽悅不以義與奪不以序此少傅之責也天子居處燕私安而易樂而耽飲食不時醉飽不節寢起早晏玩好器弄無制此少保之責也此古天子自輔弼之禮也身為天子而賢知難之故能慮無失計舉無過事終身得中也

應劭漢官儀太傅古官也周成王時康叔為之高后元年初用王陵金印紫綬

晉職官志魏初唯置太傅以鍾繇為之末年又置太保以鄭沖為之

宋書晉宣帝為魏太傅誅曹爽後置左右長史掾屬舍人各十人事既非常加又領兵非准例也

宋百官志太傅一人周成王時畢公為之漢高后元年初用王陵

南齊百官志太師太傅太保周舊官齊唯置太傅

齊職儀太傅品秩冠服同太宰成王即位周公為之太傅遷太師秦無其職漢惠帝崩呂后以丞相王陵為少帝太傅位在三公上

隋百官志梁武受命之初官班多同宋齊之舊有太傅陳以為贈官後齊置太師太傅太保是為三師

唐百官志太傅一人

六典後漢光武惟置太傅有府寮拜故密令卓茂為之

明帝以鄧禹為之章帝以下初即位皆置太傅錄尚書
事其人亡則罷

謝病杜門

前漢王陵為人少艾氣好直言為右丞相呂太后欲廢陵乃陽遷陵為帝太傅寔奪之權

陵怒謝病杜門竟不朝請名冠天下

後漢車茂為密令教化大行吏始立以茂為侍中祭酒知更始

政亂以年老乞骸骨歸先武即位詔曰前密令卓茂名冠天下當受天下重賞故武王誅紂封比干之墓表商

德侯食邑三千戶賜几杖車馬

進見東向

顯宗即位以鄧禹先帝元功拜

為太傅進見東向甚見尊寵注

正身立朝

趙熹內典宿衛外幹掌職

正身立朝未嘗懈惰肅宗即位進為太傅錄尚書事又光武嘗稱熹真長者

在位修身

和帝即位

以鄧彪為太傅錄尚書事賜爵關內侯永光初竇氏專權驕縱朝廷多有諫諍而彪在位修身而已不能有所匡正又嘗奏免御史中丞周紆紆前失竇氏旨故頗以此致譏然當時宗其禮讓

元功之族

和

冊故太尉鄧彪曰元功之族

與三公絕席

張禹拜太傅錄尚書事鄧

太后以殤帝初育欲重臣居禁內乃詔禹舍宮中給帷帳牀褥大官朝夕進食五日一歸府每朝贊與三公絕

席志誅曹節

陳蕃字仲舉年十五嘗開一室無穢不掃曰大丈夫當掃除天下安事一室乎實后

臨朝以蕃為太傅錄尚書事蕃與后父大將軍竇武同心盡力徵用名賢共參政事志誅常侍曹節等以其諂事太后多行貪虐天下之士莫不延頸相望

無咎無譽

胡廣贊曰鄧張作傅無咎無譽胡公練達事體明解朝

庸庸飾情克恭朝章雖理據正或撓

練達事體明解朝

章

胡廣為太傅時年八十四諱達事體明解朝章雖無

伯始天下中

恩寵之異

華嶠後漢書鄧彪字智伯為太

於彪恩寵之

三世在位為國元老

東觀漢記章帝詔曰

異莫與為比
在位為國元老其以熹為太傅時年八十而心力

載興

上殿

魏志明帝即位遷鍾繇為太傅繇膝疾朝見使載

羣言系于口典誥總于心

曹植輔臣論曰精微聽察理

羣言系于口而研撫是非典誥總

朝之雋老

晉鄭沖抗

曰太傅韜德深粹履行高潔恬遠清虛確然絕世歷登

以年高疾篤致仕告退今聽其所執以壽光公就第位
同保傅在三司之右凡杖不朝若朝有大政皆就諮之

就諮國政

上貂蟬印綬

司隸李惠等奏太傅鄭沖太保何曾太尉荀顗各以病疾

俱應免帝不許沖遂不視事表乞骸骨優詔不許沖固辭上貂蟬印綬詔又不許

會朝劍履乘

輿上殿

何曾為太傅乞遜位詔今朝會劍履乘輿上殿如漢相國蕭何田千秋魏太傅鍾繇故事保

傳之賢明宗國用寧

王廙之保傅箴曰保傅之賢明宗國用寧輔弼之不忠禍及于躬無

曰父子無間昔有滿崇無曰至親無二或容江克

三為太傅

後魏淮陽王欣大統中為太傅文帝

謂欣曰王三為太傅再為太師自古人臣未聞此例欣遜謝而已

賜女樂

北齊高歸彥作亂冀州段

詔與東安王婁叡率眾討平之遷太傅賜女樂十人并歸彥果園一千畝

未嘗以勢位驕人

後周王盟為太傅盟姿度弘雅仁而泛愛雖居師傅禮
冠羣后而謙恭自處未嘗以勢位驕人魏文帝甚尊重
之不持威儀行常單馬達吳武字成興轉太傅徵時奢
修好華飾末居重位不持威儀
行常單馬門不施戟常晝掩一扉或謂武曰公位冠羣
后何輕率若是武曰吾昔在布衣豈望富貴不可頻忘
時昔且天下未平國恩未報安
可過事威容乎言者慙而退

太保

大戴禮天子處位不端受業不敬言語不序聲音不中
律進退節度無禮升降揖讓無容周旋俯仰視瞻無儀
不顧咳唾趨行不得色不比順隱琴瑟凡此之屬太保

之任也

前漢百官公卿表太保古官平帝元始元年初置金印紫綬次太傅

應劭漢官儀太保古官也保養也

晉百官志魏末年置太保以鄭沖為之

宋百官志太保一人殷太甲時伊尹為之周武王時召公為之

漢平帝元始元年始用王舜後漢至魏不置晉初復置

馬

齊職儀殷太甲時伊尹為太保周成王時召公為太保
隋百官志梁武受命之初官班多同宋齊之舊有太保
陳以為贈官後齊置太師太傅太保為三師

唐百官志太保一人

天寶以前唯以其官贈實季謀而已

召公為保

書君奭曰召公為保周公為師相成王為左
右召公不說周公作君奭以告之注尊之曰

君相洛宅

召語曰成王在豐欲宅洛邑使召公先相宅
作召語曰惟太保先周公相宅故洛語曰召

公既相宅周
公往營成周

保申答王

呂氏春秋曰荆文王得茹作
黃之狗宛路之贈以田於雲夢

欽定四庫全書

職官分紀

卷二

三

三月不返得丹陽之姬期年不聽朝保申曰先王以臣
為保今王期年不聽朝王之罪當答王伏臣將答王王
曰敬諾保申束細箭跪而加之于背如此者再謂王曰
起矣王曰有咎之名一也遂致之保申曰君子恥之小
人痛之恥之不愛痛之何益保申趨出請死罪文王曰
此不殺之過也保申何罪王乃殺茹黃之狗折宛路之
增致丹陽之姬兼國元老晉武初踐阼以王祥為太保
三十九保申之力也元老進爵為公加置七官之職祥
以年老累乞遜位不許御史中丞侯史光以祥久疾闕
朝會禮請免祥官詔曰太保元老高行朕所毗倚以降
政道者也明允詔曰太傅鄭沖太保何曾太尉荀詡各
遂寢先奏明允尚德依仁明允篤誠翼亮先皇濟光帝
業清遠王祥薨奔赴者非朝廷之賢親親故吏而已門
無雜帛之賓族孫戎嘆曰太保可謂清遠矣

含素遲暮

贊曰卿沖含素王祥遲暮沖與
祥曾俱為太保沖後遷太傅

對掌朝政

南

王亮為太宰錄尚書事與太保衛瓘對掌朝政又衛瓘為太保以公就第置長史司馬從事中郎掾屬

兵千人

衛瓘字伯玉性貞靜有名理以明識清允稱賢父爵楊駿專權與黃門等毀之瓘乃告老遜位

詔進位太保以公就第給親兵百人置長史司馬從事中郎掾屬惠帝即位復瓘千兵初瓘為廷尉鄧艾鍾會

之伐蜀也瓘以本官持節監父會軍事給兵千人至是而復

欲養老屬太保

崔鴻春秋蜀李

雄錄曰雄異母兄始字伯敬為太保善撫士

同日降制

衆多歸之時人為之語曰欲養老屬太保

同日降制

國朝天禧元年司徒平章事王旦荆王元僖同日降制加太保三公併除雙員自此始也

三少

尚書周官少師少傅少保曰三孤貳公弘化寅亮天地

弼子一人

此三公名曰三孤孤特也言卑於公尊於卿特置此三者

前漢百官公卿表太師太傅太保為三公又立三少為之副少師少傅少保是為三孤與六卿為九焉

後漢百官志太傅

天子燕紫反其學左右之習說其師答諸侯遇大臣不知文雅之辭已語

之通簡聞少誦不博不習此少師之責也天子居處出入不以禮衣服冠帶不以制御器列側不以度采服從好不以章忿悅不以義與奪不以節此少傅之責也天子居處燕私安而易樂而耽飲食不時醉飽不節寢起早晏無常玩好器弄比干書微子殷之既喪天命微子無制此少保之責也

太尉

禮記月令孟夏之月命太尉贊傑俊遂賢良舉長大行
爵出祿必當其位

春秋合誠圖堯坐中舟與太尉舜臨觀鳳凰圖

春秋運斗樞赤龍負圖以出河見堯與太尉舜等百二
十人集發藏大麓

史記孝惠帝六年置太尉官

前漢百官公卿表太尉秦官

自上安下曰尉
武官悲以為稱

金印紫綬

掌武事武帝建元二年省

後漢百官志太尉公一人

前漢書曰秦官鄭玄注月令亦曰秦官尚書中候云舜為

太尉東督據非秦官以此追難玄馬臣昭曰緯候衆書
綜貫神詔出沒隱顯動挾誕怪該覈陰陽徵逆起伏或
有先徵時能後驗故守寄精思雜稱曉輔通儒達好時
略文滯公輸蓋州具於張衡之詰無口漢輔炳乎尹敏
之諷圖讖紛偽其俗多矣太尉官實司天虞舜作宰璣
璣賦政將是據後位以書前非唐官之實號乎太尉所
職即舜所掌遂以同掌追稱太尉乃中候之妄蓋非官
之為謬康成淵博自注中候裁及注禮而忘舜位豈其
實哉是不發識於中候而正之於月令也廣徵之謂未
探碩意說苑曰當堯之時舜為司徒新論曰昔堯試於
大麓者領錄天子事如今尚書官矣古史考曰舜居百
揆總領百事說者以百揆堯初別置於周更名冢宰斯
其然

矣
本注曰掌四方兵事功課歲盡即奏其殿最而行

賞罰凡郊祀之事掌亞獻大喪則告謚南郊凡國有大

造大疑則與司徒司空通而論之國有過事與二公通

諫諍之世祖即位為大司馬

漢官儀曰元狩六年罷太尉法周制置司馬時議者

以為漢軍有官候十人司馬故加大司馬所以別異於小司馬之號

建武二十七年改

為太尉

恭質漢儀曰府開闕王莽初起大司馬後篡盜神器故遂貶去其闕漢官儀曰張衡云明帝更

司馬司空府欲復更太尉府時公趙熹也西曹掾安眾鄭均素好名節以為朝廷新造北宮整飭宮寺早魃為

虐民不堪命曾無殷湯六事周宣雲漢之辭今府本館陶公主第舍負職既少自足相容熹表陳之即聽許其

冬臨辟雍歷二府見皆壯麗而太尉府獨卑陋顯宗東顧歎息曰稚牛繼酒忽令乞兒為宰時熹子世為侍中

縣騎歸具白之熹以為恨頻譴責均均自劾去道發病
士占今注曰永平十五年更作太尉司徒司空府開陽
城門內與此不同臣昭案劉虞
為太尉司空而與太尉並置焉

漢官典職太尉孝文三年始置七年省武帝建元二年
置五年省武帝更名大司馬建武二十七年復置太尉
晉百官志晉受命迄江左其相承不替

宋百官志太尉一人掌兵事郊祀亞獻大喪則告謚南
郊堯時舜為太尉漢因之武帝建元二年置光武建武
二十七年罷大司馬置太尉以代之靈帝末以劉虞為

大司馬而太尉如故

齊職儀太尉品第一金章紫綬進賢三梁冠絳朝服佩
玄玉郊廟冕服七旒玄衣纁裳服七章

隋百官志梁武受命之初官班多同宋齊之舊有太尉
後齊置太尉司徒司空是為三公

唐百官志太尉一人

六典太尉

晉以司馬望為太尉歷宋齊梁陳後魏北齊並為三公置府寮宋後魏有大將軍則不置

太尉正光
以後並置

安劉氏者必勃

前漢高祖疾甚呂后問大臣上曰周勃重厚少文然安劉氏者必勃也可今為

太尉跪上天子璽符

天帝乘傳至渭橋羣臣拜謁稱臣代王下車拜太尉周勃進曰願請間言

宋昌曰所言公公言之所言私王者不受私太尉乃跪上天子之璽符

典職六年勤勞不

怠

後漢章帝詔曰司空牟融典職六年勤勞不忘其以融為太尉錄尚書事

置雲母屏風

弘鄭

字巨君少為鄉嗇夫太守第五倫行春見而深奇之召署督郵舉孝廉後為太尉時舉將第五倫為司空班次

在下正朔朝見弘曲躬而自卑帝問之知其故遂聽置雲母屏風分隔其間由此以為故事

四世德

業相繼

楊震東賜彪四世為太尉德業相繼為東京名族震字伯起嘗居客于湖不答州郡禮命數十

年衆人謂之晚暮而震愈篤後有鸛雀銜三鰓魚飛集講堂前都講取魚進曰鰓者卿大夫服之象也數三者

法三台也先生自此升矣後果至太尉

鸛雀街三鱣

見上

奏劾近官

楊秉字叔節為

太尉時中常侍侯覽弟參為益州刺史累有賊暴虐一州明年秉劾奏參檻車徵詣廷尉參惶遽自殺秉因奏覽及中常侍具瑗曰臣案國舊典官豎之官本在給事省閒司守夜而猥受過寵執政操權書奏尚書召對秉掾屬曰公府外職而奏勅近官經典漢制有故事乎秉使對曰春秋趙鞅以晉陽之甲逐君側之惡傳曰除君之惡惟力是視漢世故事三公之職無所不統尚書不能詰帝不得已竟免覽官而削瑗國每朝廷有得失輒盡忠諫免歸鄉里

劉寵字祖榮為太尉以日蝕策免歸鄉里

時人稱長者

寵為太尉以日蝕免歸嘗出京師欲息亭舍亭長止之曰整頓洒掃以待劉公不得入也寵無言而去時人稱其長清白為百寮式

郭彪字智伯為太尉在位清白為百寮式

陳忠薦劉愷

金史卷一百一十五
愷字伯豫歷位司空司徒上書稱疾致仕會太尉馬英策罷尚書陳忠上疏薦愷曰臣聞三公上則台階下象

山岳股肱元首鼎足居職伏見前司徒劉愷沉重淵懿道德博備頻歷二司舉動得禮以疾致仕側身里巷處

純進退有度百僚矜式海內歸懷往者孔光師丹近世鄧彪張酺皆去宰相復序上司誠宜簡練卓異以厭衆

書奏詔引拒耿寶薦李常侍兄楊震代劉愷為太尉帝弟大鴻臚耿寶薦中常

侍李閭見于震震不從寶乃自往候震曰李常侍國家所重欲令公辟其兄寶惟傳上意爾震曰如朝廷欲令

三府辟召固宜有尚書勅視事三年病乞骸骨劉愷拜太尉視

遂拒不許寶大恨而去有匪石不貳之心沖帝詔書曰太尉趙峻

事三年病乞骸骨久乃許之二世掌典樞衡有匪石不貳忠正不撓有史魚之風又曰三公國之楨幹朝廷

之心取正以成斷金大司農李

固公族之苗忠正不撓有吏魚之風其
以固為太尉與大將軍參錄尚書事
璇璣不平冠賊

姦宄則責太尉

李固傳臣聞台輔之佐實和陰陽
璇璣不平冠賊姦宄則責在太尉坐使

人於單席

羊續字興祖靈帝欲以續為太尉時拜三公
者皆輸東園禮錢千萬令中使督之曰左騶

其所之往輒迎致禮敬厚贈賂續乃生使人於單席舉
繼祀以示之曰臣之所資惟斯而已左騶白之帝不悅

以此故不登公任重責大

劉寬字文饒為太尉常於坐
被酒睡伏帝問曰太尉醉耶

寬對曰臣不敢醉但三登

胡廣在公台三十餘年歷事
六帝禮任甚優每遜位辭病

及免退田里未嘗滿歲輒復升進凡一履司空再作司
徒三登太尉又為太傅其所辟命皆天下名士故吏陳

蕃李成其為三司蕃等每朝
會輒稱疾避廣時人榮之

歲在闕歲曰上之云據下
之云戴苟非其人戮我

欽定四庫全書

職官分紀

三十三

帝食脫粟飯

李成孤特自立自大鴻臚拜太尉其在相位約身率下常食脫粟飯醬菜而已不

與州郡交通

刺史二千石牋記非公事不發省以先乞骸骨見許悉還所賜物乘轎牛車而去

入三歲租稅助郡國廩假

張禹為太尉時連歲災荒府藏空虛禹上疏求入三歲租

稅以助郡國廩假許之

不敢先佩印綬

陳蕃與黃憲同郡及蕃為三公臨朝嘆曰叔度若在

吾不敢先佩印綬矣

貨賂中官

宦者傳曹嵩靈帝時貨賂中官及輸西園錢壹萬億故位至太尉

所辟皆海內長者

續漢書王龔為太尉在位恭慎自守非公事不通州郡書記其所辟命皆

海內父尚在

東觀漢記張酺字孟侯為太尉酺每遷轉乃一到洛父來適會正臘公卿罷朝俱賀

歲奉酒上酺父壽極歡醺莫不嘉其榮也

食脫粟飯卧布被

謝承後漢書京兆朱寵字仲威

為太尉家貧食脫粟飯卧布被
朝廷賜錦被梁肉皆不敢當
兩白鹿隨車
鄭弘為臨淮太守行

春有兩白鹿隨車夾轂而行弘怪問主簿黃國鹿為吉
凶國拜賀曰聞三公車圖畫作鹿明府當為宰相後果

為太尉
策免就國
華嶠後漢書安帝即位太尉徐防以災異冠賊策免就國凡三公以災免自防

始也
羊續不代劉虞
表竊後漢書太尉劉虞讓位於羊續靈帝時為三公者皆輸禮錢十萬續

舉縕袍以示之曰臣之所
有惟此而已遂不代虞
三不惑
張璠漢記楊東為太尉常曰我有三不惑

酒色財天下
稱為名公
更治府
應劭漢官儀河間相張衡云明帝以為司徒司空府已榮欲更治太

尉府公南陽趙熹也餘
見前後漢百官志注
齊七政訓五兵
汝南先賢傳陳蕃拜太尉讓曰

齊七政訓五兵
臣不如王暢
載輿上殿
魏志鍾繇字元常遷太尉時司空王盟並先世名臣文帝

罷朝謂左右曰此三公者乃一代之偉人也後世殆難繼矣明帝即位遷太傅錄有膝疾拜起不便時華歆亦

以高年疾病朝見皆使輿車虎賁昇上殿就坐是後三公有疾遂以為故事不得已乃起歆

字子魚明帝即位轉太尉歆稱疾乞退讓位於管寧帝不許遣常侍繆襲奉詔喻指又詔襲須歆必起乃還歆

不得已乃起其清不可及傳子曰散問今之君子曰袁郎中

可及也其清不可及也事上以忠白起韓信吳漢亞夫

不足比勲鄧艾既平劉禪詔曰艾耀武奮威深入虜廷雖白起破強楚韓信克勁趙吳漢擒子陽亞

夫滅七國計功論美不登上公以副衆望吳志孫皓詔曰范慎勲德

俱茂朕所倚憑宜登上安有三公輒拜人晉志王祥見三公門王公

相去一旬月之中使者八至中興書桓溫投侍中太尉固讓不受旬月之中使者

八至輅車相望進登上台擊虞冊隴西王太尉文曰朕

於道溫遂領職進登上台惟君行為時表親則宗臣論

道經邦保又皇家在公位冲心愈約却鑒為太尉雖在

是用進登上台謙曰是誦玩墳索自少及長身無擇絕閭中遺金在鴻

行咸康五年秋寢疾上疏遜位不許錄太尉范隆曾有所薦得美官者於閭中以金遺隆

數而責之言人不知也謹不敢漏泄父母兄弟隆曰神

已知矣其可觸目琳琅珠玉世說有人詣王太尉遇安

取耶遂絕之豐大將軍丞相在佐別屋

見秀眉平子還語人曰今日蝕勿貶齊職儀魏黃初三

日之行觸目琳琅與珠玉年日蝕奏免太尉

賈弼詔天地災害責在朕異官同爵

躬勿貶三公遂為永制爵於位別職興仁

異官同爵

職官分紀

五

隆化幽賢神明
者謂之太尉

立五廟

唐李晟拜太尉詔為晟立五廟成官給牝宰祭器床帳禮官相

儀以定赴上儀優寵元臣

國朝天禧元年王旦加太尉依前充玉清昭應宮使令禮

院詳定赴上儀上優寵元臣故有是命

扶掖升殿

新授太尉王旦入謝便坐上以其羸瘠拜起頗

難命謁者扶掖升殿賜坐勞問又遣其子大理評事雍賈官告賜之加襲衣金帶鞍勒馬如宰臣例

星在

杓南主宣德化

天文錄三公星在北斗杓南主宣德化

無官酬公

唐李德裕以劉稹誅策功拜太尉德裕固讓言唐興太尉惟七人尚父子儀乃不敢拜近

王智興李載義皆起拜保傅蓋重惜此官裴度為司徒十年亦不遷臣願守舊秩足矣帝曰吾恨無官酬公母

固每顧我毛髮森豎

宣宗即位德裕奉冊太極殿帝退謂左右曰向行事近我者非太尉

即每顧我毛髮為森豎翼曰罷為檢校
司徒同中書門下平章事荆南節度使

司徒

尚書舜典帝曰契百姓不親五品不遜汝作司徒敬敷

五教在寬

周官司徒掌邦教敷五典擾萬民

尚書大傳百姓不親五品不訓則責之司徒

禮記王制司徒脩六禮以節民性明七教以興民德齊
八政以防淫一道德以同俗養耆老以教孝恤孤獨以

逮不足上賢以崇德簡不肖以黜惡

曲禮曰天子之王官曰司徒司馬司

司空
司冠

月令孟夏之月司徒巡行縣鄙命農勉作毋休于都

周禮地官大司徒之職掌建邦之土地之圖與其人民之數以佐王安擾邦國以天下之圖周知九州之地域廣輪之數辨其山林川澤丘陵墳衍原隰之名物

又曰大司徒之職凡建邦國以土圭土其地而制其域又曰大司徒之職以五禮防萬民之偽而教之中以六

樂防萬民之情而教之和

又曰大司徒之職以保息六養萬民

大戴禮地宜不殖財物不蕃萬民饑寒教訓不行風俗
淫僻百姓戶亡人民流散曰危危則飭司徒

左傳祝鳩氏司徒也

論語摘輔像仲尼為素王顏淵為大司徒

前漢百官公卿表禹作司徒敷五教周地官司徒掌邦
教丞相秦官哀帝元壽二年更名大司徒

後漢百官志司徒公一人

孔安國曰司徒衆教以禮義

本注曰掌人

民事凡教民孝弟遜順謙儉養生送死之事則議其制

建其度凡四方民事功課歲盡則奏其殿最而行賞罰

凡郊祀之事掌省牲視濯大喪則掌奉安梓宮凡國有

大疑大事與太尉同世祖即位為大司徒

漢官儀曰王莽時議以漢

無司徒官故定三公之號曰大司馬大司徒大司空也世祖即位因而不改蔡質漢儀曰司徒府與蒼龍闕對厥於尊者不敢號府應劭曰此不然丞相舊位在長安時府有四出門隨時聽事明帝本欲依之進於太尉司空但為東西門國每有大議天子車駕親幸其殿西王侯以下更衣併存每歲州郡聽採長吏減否民所疾苦

運條奏之是謂之舉註也頃者舉註言者掾屬令史都會殿上主者大言某州郡行狀云何善者同聲稱之不善者各爾銜枝大較皆取無名勢其中或有愛憎微裁黜陟之閭昧也若乃中朝熙恬踐周召之列當軸處中忘蹇諤之節憚首尾之譏懸囊提撮無能清澄其與申屠嘉切責鄧通王嘉封還詔書邀矣乎問禮有外朝干寶注曰禮司徒府中有百官朝會建武二十七年去大天子與丞相決大事是外朝存者漢舊儀哀帝元壽二年以丞相為大司徒郡國守長史上記事竟遣公出庭上親問百姓所疾記室掾史一人大音讀勅畢遣勅曰詔書殿下禁吏無苛暴百姓困於衣食二千石帥勸農桑思稱德厚恩有賑贍無煩擾忝民時今日公卿已不務飭儉恪奢侈過制度以並甚二千石身帥有以化之民冗食者請謹以法養視疾病致醫藥務治之詔書無飭厨養至今未變又更過度甚不稱歸告二千石務省約如法且案不改者長吏以官寺

卿亭漏敗墻垣圯壞不治無辦護者不勝任先自劾不
應法歸告二千石聽十年更名相國案獻帝初董卓自
太尉進為相國而司徒不省及建安末曾公為丞相郗
慮為御史大夫則罷三公官荀綽皆百官表注曰漢丞
相府門無闌不設鈴不警鼓
言其深大濶遠無節限也

蔡邕月令章句司徒散官也

魏志黃初元年改相國司徒

魏名臣奏黃門杜恕奏曰漢故事人民疾病責之司徒
晉職官志太尉司徒並古官自漢歷魏置以為三公及
晉受命迄江左其官相承不替

宋百官志司徒一人掌民事郊祀掌省牲視濯大喪安梓宮少昊氏以鳥名官而祀鳩氏為司徒堯時舜為司徒舜攝帝位命契為司徒契玄孫曰微亦為夏司徒周時司徒為地官掌邦教漢西京初不置哀帝元壽二年罷丞相置大司徒光武二十七年去大

南齊百官志司徒府領天下州郡名數戶口籍

齊職儀司徒品秩冠服同丞相郊廟服冕同太尉

漢哀帝從朱博議始置三司改丞相為大司徒以孔光

為之魏以華歆為之

隋百官志梁武受命之初官班多同宋齊之舊有司徒
後齊置太尉司空是為三公

唐百官志司徒一人

六典司徒

漢制司徒所部太僕鴻臚廷尉三卿漢末罷三公置丞相魏罷丞相置三公以華歆為司徒

晉以何曾為司徒趙王倫篡位以梁王彤為丞相省司徒彤遷復舊永嘉元年王夷甫為司徒東海王鯨為丞相則始兩置矣成帝以王尊為丞相以司徒府為丞相府尊薨復舊宋有丞相又置司徒齊以丞相為贈官梁又兩置陳氏以丞相為贈官後魏正光之後復兩置北齊廢丞相乾明中又兩置後周並廢丞相置司徒皇

朝因之

作股肱心膂

書穆王命君牙為大司徒王若曰嗚呼君牙惟乃祖乃父服勞王家厥有成績紀于

太常今命爾子翼作股肱心膂續乃舊服毋忝祖考

農父

酒誥曰矧惟若疇圻父簿逮農父若保宏父定

辟注農父司徒也

父子善於其職

詩緇衣美鄭武公也父子並為周司徒善於其職國人愛

之以官廢職

左傳桓公六年九月丁卯子同生公與文姜宗婦命之公問名於申騶對曰不以官

以官則廢職晉以僖侯廢司徒僖侯名司徒廢為中軍也

不與三桓謀而召孔丘

符

曰魯侯以孔子為司徒將召三桓議之乃謂左丘明丘明曰孔丘其聖人歟夫聖人任政過者離位焉君雖欲謀其將弗合乎魯侯曰吾子奚以知之丘明曰周人有愛裘人而好珍羞欲為千金之裘而與狐謀其皮欲具

少牢之珍而與羊謀其珍言未卒狐相與逃於重丘之下羊相呼藏於深林之中故周人五年不割一裘五年不足一牢何者周人之謀失今君欲以孔丘為司徒召三桓而議之與狐謀裘與羊謀蓋哉於是魯侯遂不與三桓謀而召允民望江氏家傳江統字應元時太傅從孔丘為司徒允民望事申郎庾子嵩以風韻見重亦雅敬君德每云當今可以居司徒允民望者江生具人也年二十四後漢先武即位於鄆使使持節

拜鄧禹為大司徒策曰前將軍禹深執忠孝與朕謀謨帷幄決勝千里孔子曰自吾有回門人日親斬將破軍平

定山西功効尤著百姓不親五品不訓汝作司徒敬敷五教在寬今遣奉車都尉授印綬封為鄧侯邑萬戶敬

之哉禹時明察守正侯霸字君房為大司徒封關內侯在位明察守正奉公不回恭

約盡忠馮勤字偉伯逸司徒先是三公多見罪退帝賢勤欲令以善自終乃因宴見從容戒之曰朱浮

上不忠於君下陵轢同列竟以中傷至今死生吉凶未
可知豈不惜哉人臣放逐受誅雖復追加賞賜賻祭不
足以償不訾之身忠臣孝子覽照前世以為鏡誠盡忠
於國事君無二則爵賞光于當世功名列于不朽可不
勉哉勤愈恭約盡忠號稱任
在職清儉 蔡茂字子禮為
職中元元年薨帝悼惜之

司徒在職清儉

匪懈茂初在廣漢夢坐大殿極上有三歲禾跳取之得
其中穗輒復失之以問主簿郭賀賀離席而慶曰大殿
者官府之形象也極而有禾人臣之上祿也取中穗中
台之位也於字禾失為扶雖曰失之乃所以得祿扶也
哀職有闕公其補願降司徒伏公
伏湛字惠公光武即
之旬月而茂徵馬
拜尚書時大司徒鄧禹西征關中帝以湛才任宰相拜
為司直行大司徒事車駕每出征伐常留鎮守總攝羣
司建武三年遂代鄧禹為大司徒時賊徐異卿等萬餘
人據富平連攻之不平惟云願降司徒伏公帝知湛為

青徐所信向遣到平以白虹貫日策免郎顗上章曰竊見今月十四日

原異卿等即日歸降

乙卯時白虹貫日凡日旁氣色白而純者名曰虹貫日

中者侵太陽也見於春者政變常也易傳曰公能其事

序賢進士後必有喜反之則白虹貫日以甲見則謹在

中台自司徒居位陰陽多謬宜黜司徒以應天意注韓

詩外傳曰三公者司空司徒司馬也司馬主天司空主

地司徒主人是故陰陽不調星辰失度責之司馬山陵

崩絕川谷不流責之司空五穀不殖草木不茂責之司

徒甲乙東方主春生殖五穀之時也而白虹以甲乙日

見明責在司徒也時劉峙為祿養親族宣秉字臣公拜

司徒至陽熹三年策免

得俸祿輒以收養親賜帛什器帷帳鮑昱代王敏為司

族自無擔石之儲

廉直公正郭丹為司徒在有四子無立錐之計范滂

帳

徒有宅數畝田不過一頃復推與兄子其妻常曰君有四子無立錫之計銅臭崔烈歷為郡守九卿靈帝

時開鴻都門榜賣官爵公卿州郡下至黃綬各有差時段熲樊陵張溫等雖有功勤名譽皆先輸貨財而後登

公位烈入錢五百萬得為司徒於是聲譽衰減問其子鈞曰吾居三公於議者何如鈞曰大人少有英稱歷位

卿寺論者皆謂當為三公而今登其位天下失望烈曰何為然也鈞曰論者嫌其銅臭討赤眉不

時進東觀漢記卿禹為司徒討赤眉不時進光武書憂

念王室素安為司徒每朝會憂卧麓布被謝承後漢書

布被妻子不入官舍司徒事妻子不入官舍贈賻異

他相張酺字孟侯代魯恭為司徒月餘薨乘輿家無擔

石之儲

華歆文帝時為司徒素清貧祿賜以賑施親戚故家無擔石之儲公卿常並賜沒入生口唯歆

出而嫁之

賜生口出嫁

上

疏食

華歆為司徒素清貧文帝下詔曰司徒國之雋

老所以和陰陽庶事今天官重膳而司徒疏食甚無謂也特賜御衣及明帝即位轉太尉

夢松生

腹上

吳錄曰丁固初為尚書夢松樹生其腹上謂人曰松字十八公後十八歲吾其為公乎卒如夢

馬諸葛亮拜許靖

蜀志許靖字文休先主即尊號策靖曰朕獲奉洪業君臨萬國夙宵

惶懼不能綏百姓百姓不親五品不遜汝作司徒其敬敷五教在寬君其勗哉秉德無怠稱朕意焉靖雖年踰七

十愛樂人物納誘後進清談

得人副遠近之望

晉荀勗答詔曰

司徒何曾遷太宰詔問勗司徒當得人副遠近之望并治事見才誰可也勗表三公具瞻之望誠不可用非其

人昔魏文帝用賈詡為公孫權笑之

山濤為司徒固辭已勃斷章表乃卧

加章綬濤曰垂沒之人豈

可汚官府乎與疾歸家

膏肓之疾晉王戎拜司徒雖位總鼎司而委事

餘家間乘小馬從便門而出游見者不知其三公也故

吏多至大官道路相遇輒避之性好興利廣收八方園

田水碓周徧天下積貨聚錢不知紀極每日執牙籌晝

夜算計恒若不足而又儉嗇不知奉養天下人謂之膏

肓之

朝罷還送章綬

魏舒字陽元為司徒年過致仕有遜讓章而無居宅乃漸以俸

秩之餘為第一所舒素為人先行而後言故未嘗語親

疏言當遜位九年正月整法服入殿朝會罷還奉送

章綬內外莫有

五教之官

王隱晉書石苞拜大司馬策免以公歸第詔以苞為司徒

知舒此情者

難以過防受黜尋授五教之官深陳

農桑本務明其考課居五年天下稱之

見上
板輿上殿

晉諸公讚司徒傅祇疾遜位不許板輿上殿

美選

晉中興書中書劉隗

從兄疇字王喬司隸訥之子也永嘉中從左長史為閭鼎所害疇有重名司空蔡謨歎曰劉王喬南渡司徒公

之美也
吏屬皆令皂服

王渾選司徒仍加兵渾以司徒文官主吏不持兵及吏屬絳衣自以

非是舊典皆令皂服論者美其識體

奏州郡農桑賞罰

石苞為司徒奏州郡農桑未有賞罰

之制宜遣掾屬循行皆當均其土宜舉其殿最然後黜陟

舊丞相之職

何曾以太保侍中領司徒

曾固讓詔曰司徒舊丞相之職自古及今總論人物化治之本以君弘道故選於衆而復盤桓非所聞也煩

務不可久勞者父

武帝時何曾以太傳領司徒屢遜位詔以司徒所掌煩務不可以久勞者

父其進位大朝會乘輿劍履見者不知是台司

曹嘉之上殿如漢蕭何魏鍾繇故事

晉記王

戎再至司徒委事掾屬乘小馬舊望清重荀氏家傳維

從使門出見者不知是台司也字大章中宗

為晉王時將徵為司徒問太常賀循曰維舊望清重勤

勞顯著遷訓五品以統人倫實允人望詔以為司徒

落水三公宋謝超宗為人恃才使酒多凌忽司徒褚

射王儉驚跳下車超宗拍掌笑曰落水三公陸車僕射

彥回出水露濕狼籍超宗先在僧虔舫曰有天道焉有

地道焉天所不容地所不受投舫河伯河伯不受彥回

大怒曰寒士不遜超宗曰我不賣袁劉得富貴焉免寒

士欲減功臣之地以給民隋書王誼為大司徒蘇威立

欲減功臣之地以給民誼奏曰百官表歷世勲賢方蒙

爵土一旦削之未見其可如臣所慮正恐朝臣功德不

建何患民田有不足和五教理人倫占今通語和五教

上然之竟罷威議和五教理人倫使風行俗

平萬國咸寧

者謂之司徒辨博通見

曹植輔臣論辨博通見秉道度德才識允乎內智謀從於外

解疑釋滯剖散

盤結者主司徒錄詔書頒天下

國朝宰相呂夷簡詔時守司徒依前兼門下侍

郎同中書門下平章事三表懇讓不敢當乃降詔上令錄其詔書頒於天下使四海之人知朝廷有退讓之臣

司空

尚書舜典舜曰咨四岳有能奮庸熙帝之載僉曰伯禹作司空帝曰俞咨禹汝平水土惟時懋哉

周官司司空掌邦土居四民時地利

冬官卿主國土以居民士農工商四人使

順天時分地利授之
土生百穀故曰土

大傳溝瀆壅遏水為民害廣而不壅則責之司空

韓詩外傳山陵崩阨川谷不通五穀不殖草木不茂則

責之司空

禮記王制司空執度度地居民山川沮澤時四時量地
遠近興事任力

左傳爽鳩氏司空也

春秋元命苞危東六星兩兩而比曰司空主水金木守
之天下憂水

家語魯定公以孔子為司空乃別五土之性而物其所
生之宜咸得厥所

又曰度量不審舉事失理都鄙不修財物失所曰貧貧
則飭司空

前漢百官公卿表禹作司空平水土

師古曰司空也穿
土為空以居人也

周冬官司空掌邦事御史大夫秦官成帝綏和元年更
名大司空祿比丞相置長史如中丞官職如故哀帝建
平二年復為御史大夫元壽二年復為大司空

後漢百官志司空一人

馬融曰掌營城郭主司空土以居民

本注曰職掌

水土事凡營城起邑浚溝洫修墳坊之事則議其利建

其功凡四方水土功課歲盡則奏其殿最而行賞罰凡

郊祀事掌掃除樂器大喪則掌將校復土凡國有大造

大疑諫爭與太尉同世祖即位為大司空

應劭漢官儀曰綏和元年

罷御史大夫官法周制初置司空議者又以縣道官有獄司空故復加大亦所以別大小之文

建武二

十七年去大

漢舊儀曰御史大夫勅上計丞長史曰詔書殿下布告郡國臣下承宣無狀多不究

百姓不蒙恩被化守長史到郡與二十石同力為民興利除害務有以安之稱詔書郡國有茂才不顯者言殘

欽定四庫全書

職官分記

卷二

吳

民貪汚煩擾之吏百姓所苦務勿任用方察不稱者刑
罰務於得中惡惡止其身選舉民侈過度務有以化之
問今歲善惡孰與往年對上問今年盜賊孰與往年得
無有羣輩大賊對上臣昭案獻帝建安十三年又罷司
空置御史大夫御史大夫郝慮免不復補荀綽晉百
官表注曰獻帝置御史大夫職如司空不領侍御史

晉職官志太尉司徒司空並古官自漢歷魏置以為三公
及晉受命迄江左相承不替

宋百官志司徒一人掌水土事郊祀掌掃除陳樂器大
喪掌將校復土舜攝位以禹為司空契之子曰宜亦夏
司空殷湯之時咎單為司空周時司空為冬官掌邦事

漢西京初不置成帝綏和元年更名御史大夫為大司空哀帝建平二年復為御史大夫元壽二年復為大司空光武二十七年去大獻帝建安十三年又罷司空置御史大夫御史大夫郝慮免不復補魏初又置司空齊職儀司空品秩冠服同太宰舜以禹為司空成王以毛公為司空宋以武公之諱改司空為司城楚改司空為莫敖秦置御史大夫省司空

後周書冬官謂之大司空掌邦事以五材九範之徒佐

皇帝當邦國大祭祀行灋掃廟社四望則奉犧牲

隋百官志梁武受命之初官班多同宋齊之舊有司空
後周置太尉司徒司空是為三公

唐百官志司空一人

六典司空

漢制司空所部宗正少府司農三卿魏省御史大夫置司空景初二年以司隸校尉崔林

為司空晉以荀顗為之歷宋齊梁陳後魏北齊皆省御史大夫置司空後周二職並廢隋氏諱忠以御史中丞為大夫故又置司空

環濟要略冬官司空掌邦事營城郭都邑立社稷宗廟

造宮室器械監百工也

以官廢職

左傳宋以武公廢司空武公名司空故廢焉

經為世儒宗德為國

黃耆

前漢師丹字仲公為大司空策免罷歸尚書令唐林上疏曰竊見免司空丹策書輒深痛切君子作

文為賢者諱丹經為世儒宗德為國黃耆海內未見其大過事既已往免爵太重京師識者咸以為宜復丹邑

爵使奉朝請

所居無赫赫名

前漢何武字君公為楚內史厚兩龔在沛郡厚兩唐及為公卿

薦之朝廷此人顯於世者何侯力也世以此多焉然疾朋黨問文吏必於儒者問儒者必於文吏以相參檢欲

除吏先為科例以防請託其所居亦無赫赫名去後常見思及為御史大夫司空武後母在郡遣吏歸迎會成

帝崩吏恐道路有盜賊後母留止左右或饑武事親不罵哀帝亦欲改易大臣遂策免武諫大夫鮑宣數稱寃

復為御史大夫

舉措煩碎不合衆心

何武為司空事後母不篤詔以其舉措煩碎不合衆

心孝聲不聞惡名流行其

一旦入朝在功臣之右

寶融

州牧十餘日遷大司空融自以為非舊臣一旦入朝在功臣之右召會進見容貌辭氣卑恭已甚帝以此愈親

厚去籍通客

陳寵為司空故事以計吏至時自公以下皆屬籍不通賓客以防闕交寵去籍通客

以明無所不

身死之後勿議傳國

張奮字稚通父純臨終勅家丞曰為司空

無功於時猥蒙爵土身死之後勿議傳國奮兄根少被疾先武詔奮嗣爵稱純遺勅固不肯受帝以奮違詔勅

收下獄奮惶

口陳時政

張奮為司空時歲災旱祈雨不應乃上表即時引見復口陳時

政之宜帝召太尉司徒幸洛陽獄錄囚徒大雨三日

一足不任則覆亂美寶

彭宣字子

佩自御史大夫轉為大司空會哀帝崩新都侯王莽為大司馬秉政專權宣上書言年齒老鈍數伏疾願上大司空長平侯印綬乞骸骨歸鄉里從之彭宣上書云三公鼎足承君一足不任則覆亂矣實奉公盡

節言事無所依違

第五倫字伯魚為司空奉公盡節言事無所依違諸子或時諫止輒比違

之吏人奏記及便宜者亦封上其無私若此性質慤少文采在位以貞白稱時人方之前朝貢禹然少蘊藉不修威儀亦以此見輕或問倫曰公有私乎曰昔人有與吾千里馬者吾雖不受每三公有所選舉心不能忘而亦終不用也吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎

奉公不撓言議果決

第五倫章帝立徵拜司空奉公不撓言議果決後自陳老以二十石

祿俸終

以地震策免

陳忠以三府任輕幾事專委尚書而災青變咎輒切免公台忠以為

非國舊體上疏諫曰臣聞君使臣以禮臣事君以忠三公稱曰冢宰王者待以殊敬在輿為下御坐為起入則參對而議政事出則監察而董是非漢典舊事丞相所請靡有不聽今之三公雖當其名而無其實選舉誅賞一由尚書尚書見任重於三公陵遲以來其漸久矣臣忠心常獨不安是故臨事戰懼不敢穴見有所興造又不敢希意同僚以謬平典而謗譏日聞罪足萬死近以地震策免司空陳褒今者災異復欲切讓三公昔孝成皇帝以扶星守心移咎丞相使賁麗納說方進自引卒不蒙上天之福辟雍於行禮中拜伏恭為太僕帝臨辟雍於行禮以沈正見重於世任隗中拜恭為司空儒者以為榮以沈正見重於世諫卿拜司空隗義行內修不求名譽以沈正見重於世諫實憲擊匈奴獨與司徒袁安持重處正鯁言直議無所回在位奉法而已張敞字伯達拜司空在位奉法而已隱視事三載以病乞身不聽六年春行

大射禮陪位煩
什乃策罷之

舉動方重得大臣節

牟融字子優為大司農時顯宗方勤

萬幾公卿數朝會每輒延謀政事判折獄訟融經明才
高善論議帝數嗟嘆以為才堪宰相明年代伏恭為司

空舉動方重**家無資產以清行致稱**

宋弘字仲子為大司空所得相俸分

賸九族家無資產以清行致稱弘推進賢士馮翊桓梁
三十餘人或相及為公卿者弘常朝見御坐新屏風圖

畫列女帝數顧視之弘正容言曰**斷斷守善**

謝弼上封事曰今之

未見好德如好色者帝即為徹之**斷斷守善**
四公惟司空劉寵斷斷守善餘皆素餐致冠之人可因

災異並加罷黜四公謂劉矩為太尉許訓為司徒胡廣
為太傅及寵也書曰如有

賈弄國恩

朱浮為大司空
坐賈弄國恩免下

理坤道上和乾元

漢官解詁能下理坤道和乾元謂司空

水土之官

東觀漢記

王梁初為野王令世祖議選大司空赤伏符曰王梁主
衛作玄武武上以野王衛之所徙玄武水神之名司空水

王之官也於是拜梁為大司空掃地以待足下華陽國志趙瑤字元珪自扶風太守來之郡司

空張隲謂曰第五伯魚從蜀郡主土不言土白虎通司

為司空空全掃吾第以待足下董卓東政徵之起巖穴

言土而言空空尚白衣登三公荀氏家傳荀爽字慈明

主之況於實乎魏志景初元年司徒

九十五日而為司空三公封列侯司空並闕散騎侍郎

時號為白衣登三公孟康曰夫宰相者天下之所瞻效誠宜得東忠履正本

德仗義之士足為海內所師表者竊見司隸校尉崔林

栗自然之正性體高雅之宏量論其所長以比古人忠

恆不回則史魚之儔清論守約則季文之匹遂為司空

封安陽亭侯三公豈可以老病忝之徐邈拜司空歎曰

封列侯自林始也三公論道之官無

其人則缺豈可以老上封事削其草陳羣為司空前後數密陳得失每上

封事輒削其草時人及其子弟莫能知也論者或譏羣居位拱默羣堯正始中詔送羣臣上書以為名臣奏議

朝士方見羣諫名臣奏議上疏諫遊獵王朗為司空文帝頗出遊

獵或昏夜還宮即上疏諫帝報曰覽表雖魏絳稱虞箴以諷晉悼相如陳猛獸以戒漢武未足以喻方今二寇

未殄將帥遠征故時入原野以習戎不遣使世說諸葛誕為司空

書至誕曰我當在王文舒後今便為司空不遣使健步賈書使以兵付樂綝此必綝所為乃將左右數百人至

揚州州人欲閉門誕叱之曰卿非儒雅有籌略晉張華

我故吏耶逕入綝逃上樓就斬之彊記不識四海之內可指諸掌拜司空華儒雅有籌略盡忠

佐輔雖當開主虐后之朝而海內晏然華之功也

敢以垂死之年累辱朝廷

泰始中鄭袤為司空曰三公上應天心苟非其人實傷和

氣不敢以垂死之年累辱朝廷固辭久之見許以侯就第

不營產業身沒行顯

詔故司空

王基著德立勲治身清素不營產業身沒行顯足用厲俗其以奴婢二人賜其家

為三公是天

下無人矣

陸玩字士瑋王導都鑒庾亮繼亮遷玩司空給羽林四十人玩比陳讓既拜歎息謂賓客

曰以我為三公是天下作禹貢地域圖十八篇

裴秀為司空秀

儒學洽聞留心政事當禪代之際總納言之要其所裁當禮無遺者又以禹貢山川地名古今無者皆隨時

注列作禹貢地域圖十八篇奏上藏

蔣三階之耀

起居注武

帝泰始七年詔先祿大夫鄭袤體行純正退有沖和之風進有素絲之節宜齊三階之耀補袤職之闕明弼朕

躬匡其不逮
以為司空

內亞三鼎外齊四岳

齊孔稚圭為王敬則
讓司空表曰故李通

蒙賸以親寵登用王基才勇以聲華入選先帝擢臣以
榮華陛下申臣以富貴逆得北帶五州東跨六郡內亞
三鼎外齊四岳蟬佩之映則左右交輝龜組之華則縱
橫吐耀輕輪徐動則劍騎如雲飛蓋暫停則歌鐘成列
擬金龍吹簫其前鳴笳鳳管疊其後鄧禹若不遭漢光
則南陽之掾史微臣若不逢明主則孤城之戍客豈可
加以正台之席登以論道之寄啟職班三事任總六條
黃扉而變五緯躡青帷而調四序職班三事任總六條
梁劉孝儀為臨川王解司空表曰臣以庸薄謬竊隆重
職班三事任總六條衣袞坐槐既闕論道馳傳慈棠猶
慚為政而俯司土地仰變陰陽折撓之機已彰愆伏之
咎爰著今水沴乃作旱魃為災山蕪蒼蔚雲成烟火陸
下曲私未垂策免臣職是當於不為苛碎
何逃責乞降紱台步協此天人
司空及為三

公清約自守為政舉

員外郎一人直第

唐裴寂策司空遺尚書負外郎

大綱而已不為苛碎

一人每月更直寂第其見崇貴如此太宗祠南郊命寂

與長孫無忌同升金輅寂固辭讓太宗曰以公有佐命

之勲無忌亦宣力於朕同載同升金輅上取其才行長

參乘非公而誰遠同乘而歸

無忌策拜司空固辭不許又因高士廉奏曰臣幸居外

戚恐招聖主私親之謂敢以死請太宗曰朕之授官必

擇才行若才不至縱朕至親亦不虛授襄邑王神符是

也若才行所通雖怨讐不棄魏徵等是也朕若以無忌

居后兄之愛當多遺子女金帛更朝廷舊官

荀藩為司空劉琨表

何須委以重官蓋是取其才行爾

於天子曰司空荀藩朝廷之舊官繼世忠勤乃心皇家

具瞻之望唯藩而已宜增位號授分陝之重永令臣等

有所法措刑清事均民聚

古今通語曰使國無枉理法措刑清事均民聚者謂之司

遷准

空掃職

五代史馮道罷同州入朝拜司空唐制三公為加官無單拜者或云三公正宰相便合參大政

又云合策授又云祭祀時使令掃除道間之乃曰司空掃職也吾無所憚既而知非乃止立學士班

國朝天禧四年以資政殿大學士太保致仕王欽若為司空職如故時欽若求侍東宮講誦以輔世兼領三少

品序非便表求換秩乃非賞勞之臣熙寧二年宰臣曾有是命上立學士班公亮司徒兼侍中

韓琦提舉兩朝實錄乞省下推恩上以為有例而公亮奏臣當遷司空琦太保三公非賞勞之臣從之

太宰

亦曰冢宰

尚書周官冢宰掌邦治統百官均四海

禮記曲禮天子建天官先六太曰太宰

此殷時制也周則太宰為天官

周禮立天官冢宰使帥其屬而掌邦治以佐王均平邦

國

鄭司農云邦治謂總六官之職也故太宰職曰掌建邦之六典以佐王治邦國六官皆總屬於冢宰故論

語曰君薨百官總已以聽於冢宰蓋言冢宰於百官無所不主爾雅曰冢大也

治官之屬大宰

卿一人小宰中大夫二人宰夫下大夫四人上士八人

中士十有六人旅下士三十有二人

變冢言太進退異名也百官總已則

謂之冢列職於王則稱大冢大之名也山頂曰冢旅衆也下士治衆事者自太宰至旅下士轉相副貳皆王臣也

又曰太宰之職掌建邦之六典以佐王治邦國又以九

兩繫邦國之民

孔子家語官屬不治分職不明法政不一百事失紀曰
亂亂則飭冢宰又曰古之御天下者以六官總治焉冢
宰之官以成道司徒之官以成德宗伯之官以成仁司
馬之官以成聖司寇之官以成義司空之官以成禮六
官在手以為轡

晉職官志太宰太傅太保周之三公官也晉初以景帝
諱故又採周官官名置太宰以代太師之任增秩三司

與太傅太保皆為上公論道經邦變理陰陽無其人則闕以安平獻王孚居之自渡江以後其名不替而居之者甚寡

六卿之首秦漢魏不常置晉初依周禮備置三公三公之職太師居首景帝名師故置太宰以代之太宰古之

太師也

案此條之首原本缺一行

南齊百官志宋大明中用江夏王義恭以後無人齊以為贈齊職儀太宰品第一金章紫綬佩山玄玉堯命羲和

使主陰陽義和司天即天官也后稷服事虞夏教授民
時尊稷為天官夏衰后稷不宦失官由是廢稷殷以其
官為冢宰周公在豐為太宰召公又居之秦漢魏無其
職晉武以從高祖安平王孚為太宰安平王薨省咸寧
四年又置或謂本太師之職避景皇帝諱改為太宰太宰
周之卿位晉武依周置職以尊安平非避諱也元興中
恭帝為太宰桓玄都督中外博士徐豁議太宰非武官
不應都督遂從豁議

後魏初無至孝莊時以太尉上黨王天穆為之置佐吏
後周文帝又依周禮建六官遂置天官太宰卿一人掌
邦治以建邦之六典佐皇帝治邦國

隋百官志梁武受命之初官班多同宋齊之舊有太宰
陳以為贈官

以三公攝冢宰

書伊訓曰成湯既沒伊尹奉嗣王祗見
厥祖侯甸羣后咸在百官總已以聽冢

宰注云伊尹制百
官以三公攝冢宰

冢宰第一召公領之

顧命注成王將崩
冢宰第一召公

領之司徒第二為伯領之宗伯第三為伯領之司馬第
四為公領之司寇第五為衛侯領之司空第六為毛公領之

百官總已以聽

論語子張曰書云高宗諒陰三年不言何謂也子曰何必高宗古之人皆然君

亮百官總已以

備置官屬

晉志安平獻王孚宣帝次弟也位太傅詔曰勲德弘茂朕

聽於冢宰三年

所瞻仰願奉以不臣之禮其封為安平王邑四萬戶進拜太宰持節都督中外諸軍事備置官屬

朝會

朝會

劍履乘輿上殿

武帝時何曾遜位詔以司徒所掌務煩不可久勞者父其進太宰朝會劍履乘

輿上殿如漢相國蕭何田

千秋魏太傅鍾繇故事

二子侍從

何曾為太宰年老禮優每召見勅以

常所飲食服物

帝親迎拜

汝南文成王亮子秉為太宰明帝寢疾秉與王遵同受顧

命輔成帝時帝幼冲詔秉依安平獻

王孚故事設床帳於殿上帝親迎拜

對掌朝政

見太保門不

宜嬰拂事務

安帝以太宰瑯琊王德文不宜嬰拂事務以紆論道之重可袞冕之服綠盤綬羽葆

鼓讓表

後魏溫子昇為上黨王穆讓太宰表曰臣聞策

賽長途終慚一日之致懸縷層臺難任千鈞之

重因知才弱不可自強力微難以企及智小謀大恐貽

折足之憂才輕任重懼有絕贖之悔既慮鑠金固陳匪

石不可虛設唐憲宗以莊憲皇后崩上不聽政欲准故

事置冢宰以總百官裴度獻議曰冢宰是

殷周六官之首既掌邦治寔統百司故王者諒闇百官

有權聽之制後代設官既無此號不可虛設且國朝故

事或否古今異制不必因循勅旨由諸司

公事宜權取中書門下處分議者是之通于四海

傳公九年公會宰周公齊侯宋衛鄭許曾子葵丘天子

之宰通于四海注宰天官冢宰兼為三公者佐王治邦

國故曰通于四海如宰者知其職大尊

重而下為諸侯所會惡其不勝任也

不可乃止

國朝嘉祐

八年四月英宗欲命韓琦攝冢宰躬行貳王而理天下

亮陰三年之禮執政皆以為不可乃止

王符潛夫論法誠篇周禮
復詔固辭乃免
唐苗晉卿字元輔玄宗崩

肅宗疾甚詔晉卿攝冢宰固讓曰人行遺詔皇帝三日
聽政稽祖宗故事則無冢宰之文奉遺詔則宜聽朝惟
陛下順變以幸萬國帝不聽後數
日代宗立復詔攝冢宰固辭乃免

大司馬

尚書周官司馬掌邦教統六師平邦國

尚書大傳蠻夷猾夏寇賊姦宄則責之司馬

尚書中候稷為大司馬

韓詩外傳陰陽不和四時不節星辰失度災變非常則

責之司馬

禮記曲禮天子之五官曰司馬

王制司馬辨論官材論進士之賢者以告於王而定其
論論定然後官之任官然後爵之位定然後祿之

周禮大司馬之職掌建邦之九法以佐王平邦國制畿
封國以正邦國設儀辨位以等邦國制軍誥禁以均邦
國施貢分職以任邦國簡稽鄉民以用邦國均守平則
以安邦國比大事小以和邦國又以九伐之法正邦國

馮弱犯寡則責之賊賢害民則伐之暴內陵外則壇之
野荒民散則削之負固不服則侵之賊殺其親則正之
放弑其君則殘之犯令陵正則杜之内外亂鳥獸行則
滅之

孔子家語賢能而失官爵功勞而失賞祿士卒疾怨兵
弱不用曰不平不平則飭司馬

春秋運斗樞黃帝與大司馬容光觀鳳凰銜圖置黃帝
前河圖錄運法黃帝坐玄扈閣上與大司馬容光左右

輔將

案此下原本有缺文

前漢百官公卿表周夏官司馬掌邦政

武帝元狩四年初置大司馬以冠將軍之號宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比丞相去將軍衣帝建平二年復去大司馬印綬官屬冠將軍如故元壽二年復賜大司馬印綬置官屬去將軍位在司徒上長史秩二千石後漢百官志太尉公一人世祖即位為

大司馬建武二十七年改為太尉將軍不常置初武帝以衛青數征伐有功以為大將軍欲尊寵之以古尊官惟有三公稱將軍始自秦晉以為卿號故置大司馬官號以冠之其後霍光王鳳等皆然成帝綏和元年賜大司馬印綬罷將軍官世祖中興吳漢以將軍為大司馬位在公下

韋昭辨釋名大司馬司馬武也大總武事也大司馬掌軍古者兵車一車四馬故以司馬名官班彪上事元狩

六年罷太尉置司馬時議以北軍中候有千人司馬故加之為大司馬所以別大小司馬之號

吳志赤烏九年以車騎朱然為左大司馬衛將軍全琮為右大司馬

命義叔為司馬

秦漢之際曹參周勃始居其職

又曰大司馬府舊有關王莽篡位貶去關馬

隋百官志梁武受命之初官班多同宋齊之制有司馬

陳以為贈官後齊有大司馬大將軍並為二大

掌六軍之事

詩祈父刺宣王也注祈父之職掌六軍之事有九伐之法

予王之爪牙

胡轉予于恤靡所止居注此勇力之士責司馬之辭也
我乃王之爪牙之士當為王閑守之衛女何移我於憂
使我無所祈招之詩左傳昔周穆王欲肆其心周行天下將皆必有車轍馬迹馬祭公作

祈招之詩以止王心注祈父周司馬也世掌甲兵之職招名也諫遊行故指司馬而言

兩軍出塞

前漢兩軍出塞閔官及私馬九十四萬匹及後入塞者
不三萬匹乃置大司馬大將軍驃騎將軍皆為大司馬
定令驃騎將軍扶輿大將軍等自是後青日東而去病
日益貴故人門下多事去病輒得官爵唯獨任安不肯
去
受詔輔少主武帝疾病遂立昭帝為太子年八歲
以霍光為大司馬受遺詔輔少主

奪

我印綬

霍光薨以子禹為大司馬冠小冠無印綬罷其右將軍屯兵官屬特使禹官名與光俱為大司

馬者禹怨望曰縣官非我家將軍不得至是今將軍墳墓未乾盡外我家反任許史奪我印綬年少不

合衆心

平帝即位詔曰大司馬賢年少不合衆心其印綬罷賢即日自殺而新都侯王莽為大司馬

領尚書事賀漢得賢臣

董賢為大司馬是時年二十二雖為三公常給事中領尚書百官因賢奏

事單于來朝見羣臣上前單于怪賢年少以問譚上全報曰大司馬年少以大賢居位單于乃起拜賀漢得賢

臣郡國士馬羽林才

武帝栢梁詩大司馬曰郡國士馬羽林才五大司馬

孝元

王皇后戚帝母也家凡十侯五大司馬外戚莫盛

不宜以

案此下原本有缺文

晉職官志大司馬古官也漢制以冠大將軍代太尉之

職故常與太尉迭置不並列及魏有太尉而大司馬大將軍各自為官位在三司上晉受魏禪因其制以安平王孚為太宰鄭沖為太傅王祥為太保義陽王望為太尉何曾為司徒荀顗為司空石苞為大司馬陳騫為大將軍凡八公同時並置唯無丞相自義陽王望為大司馬之後定令如舊在三司上晉公卿禮秩司馬兵官也魏氏大司馬大將軍各自為官在三司上晉以石苞為大司馬次三司下

宋百官志司馬一人掌武事司主也馬武也堯時棄為
大稷兼掌司馬周時司馬為夏官掌邦政項籍以曹無
咎周殷並為大司馬漢初不置武帝元狩四年初置始
直云司馬議者以漢有軍候千人司馬官故加大及置
司空又以縣道官有獄司空又加大王莽居攝以漢無
小司徒而定司馬司徒司空之號並加大光武建武二
十七年省大司馬以太尉代之魏文帝黃初二年復置
以曹仁居之而太尉如故

南齊百官志以為贈

案此下當載梁陳隋唐之制原本並闕又下條之首亦有闕文 奉高

皇帝璽綬詔

屬城門校尉

開通英悟秉意不羣

晉武帝泰始中詔曰大司馬石苞開通英

悟秉意

威惠服物

武帝踐阼石苞遷大司馬進封樂陵郡公自諸葛誕破滅苞便鎮撫淮南

不羣

士馬強盛邊境多務苞既

白頭翁入府

齊王罔既輔政大築館第沈于

勤庶事又日以威惠服物

酒色不入朝見坐拜百官宴然南面朝廷側目海內失望主簿王豹屢有箴規遂奏殺之有白頭翁入府大呼

言有兵起俄而罔

下階迎嵇紹

劉喬為散騎常侍齊王罔為大司馬初嵇紹為

敗斬于閭闔門外

同所重每下階迎之喬言于罔曰樂彥輔來公未嘗下床何獨加敬於紹罔乃止紹謂喬曰大司馬何故不復

迎客喬曰似有正人言以卿不足迎者

紹曰正人謂誰喬曰其則不遠紹默然假黃鉞討石勒

石勒侵阜陵詔加王導大司馬假黃鉞出討之軍次江寧帝親餞于郊俄而賊退解大司馬又石季龍掠騎至廬陽導請出討之加大司馬假黃鉞督中外諸軍置左右長史俄而賊退解大司馬也王公何緣

拜

晉中興書王猛少貧賤鬻菴為事常至洛陽有一人於市買菴其人云家在此可隨取直隨去忽至深山

中人語猛曰爾往樹下先起道君須臾猛進見一老翁坐胡床鬚髮悉白從十許人有一人引猛進見曰大司馬公可進猛拜翁曰王公何緣拜即十倍馬公可進猛拜翁曰王公何緣拜即十倍

父子居上公

晉諸公譜義陽王為大司馬時父孚為太宰父子居上公中代以來未有也


夢婦人當道哭

博物志太公為灌壇令文王夢見婦人當道哭問其故曰吾是太山神女嫁為西海婦灌壇令當吾道夢覺召太公三日果疾風暴雨文

資育弗如

傅子曰曹大司馬王乃拜太公為大司馬

原書紫次換號



欽定四庫全書

職官分紀

卷

職官分紀卷二